

Na osnovu člana 29. tačka 1. i člana 30. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije Bosne i Hercegovine", broj: 39/03 i 22/06) i člana 35. Statuta Općine Velika Kladuša ("Službeni glasnik Općine Velika Kladuša", broj: 9/07), Općinsko vijeće Općine Velika Kladuša, na svojoj XXXVII redovnoj sjednici, održanoj 27.03.2008.godine, donijelo je

ODLUKU

o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća na području Općine Velika Kladuša

I – OPĆE ODREDBE

Član 1.

Ovom Odlukom se osigurava jedinstvena organizacija i funkcionisanje zaštite i spašavanja ljudi i materijalnih dobara od prirodnih i drugih nesreća, (u daljem tekstu: zaštita i spašavanje), većih razmjera na području Općine Velika Kladuša (u daljem tekstu: Općina), s ciljem sprečavanja nastanka opasnosti, smanjenja broja nesreća i žrtava, te otklanjanje i ublažavanje štetnih djelovanja i posljedica prirodnih i drugih nesreća.

Član 2.

Organizovanje i funkcionisanje zaštite i spašavanja na području Općine vrši se na način i postupak utvrđen Zakonom o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije Bosne i Hercegovine", broj: 39/03 i 22/06), (u daljem tekstu: Zakon), propisima Kantona koji uređuju oblast zaštite i spašavanja i ovom Odlukom.

Član 3.

Jedinstvena organizacija zaštite i spašavanja, prema Zakonu i ovoj Odluci, ostvaruje se organiziranjem i poduzimanjem sljedećih mjera i aktivnosti:

- 1) otkrivanje, praćenje i sprečavanje opasnosti od prirodnih i drugih nesreća;
- 2) obavještanje stanovništva o opasnostima i davanje uputstva za zaštitu i spašavanje;
- 3) obučavanje i osposobljavanje za zaštitu i spašavanje;
- 4) organiziranje, opremanje, obučavanje i osposobljavanje civilne zaštite i uspostavljanje i održavanje drugih vidova zaštite i spašavanja;
- 5) mobilizacija i aktiviranje snaga i sredstava za zaštitu i spašavanje;
- 6) otklanjanje posljedica prirodnih i drugih nesreća, do osiguranja osnovnih uvjeta za život;
- 7) nadzor nad provođenjem propisa o zaštiti od prirodnih i drugih nesreća;

- 8) pružanje pomoći općinama Unsko – sanskog kantona u slučaju prirodne ili druge nesreće;
- 9) traženje pomoći od općina Unsko – sanskog kantona, Unsko – sanskog kantona i Federacije Bosne i Hercegovine.

Član 4.

Mjere i aktivnosti iz člana 3. ove Odluke ostvaruju se putem Civilne zaštite (u daljem tekstu: CZ-e), koja predstavlja organizirani oblik zaštite i spašavanja, u skladu sa Zakonom, drugim propisima i ovom Odlukom.

Član 5.

Civilna zaštita obuhvata:

- 1) ličnu i uzajamnu zaštitu građana;
- 2) mjere zaštite i spašavanja;
- 3) štabove CZ-e;
- 4) povjerenike CZ-e;
- 5) jedinice CZ-e;
- 6) službe zaštite i spašavanja;
- 7) rukovođenje i upotrebu snaga i sredstava CZ-e.

U organizaciju CZ-e spada i Služba civilne zaštite i zaštite od požara Općine (u daljem tekstu: Služba CZ-e), koja pored drugih poslova obavlja i stručne, administrativne, tehničke i druge poslove neophodne za rad Općinskog štaba civilne zaštite (u daljem tekstu: OpŠCZ-e), što se bliže određuje Zakonom i drugim propisima.

Član 6.

Zaštitu i spašavanje provode građani, organi vlasti, privredna društva i druga pravna lica, službe zaštite i spašavanja, štabovi, jedinice i povjerenici CZ-e, u okviru svojih prava i dužnosti, a na principima suradnje, solidarnosti i uzajamnosti svih učesnika u sprečavanju nastanka, otklanjanju ili ublažavanju posljedica djelovanja prirodnih ili drugih nesreća.

Zaštita i spašavanje života i zdravlja ljudi ima prioritet u odnosu na sve druge zaštitne i spasilačke aktivnosti.

U slučaju prirodne ili druge nesreće svako je dužan pomagati u skladu sa svojim mogućnostima i sposobnostima.

II – NAČIN OSTVARIVANJA PRAVA I DUŽNOSTI GRAĐANA I PRAVNIH LICA U ZAŠTITI I SPAŠAVANJU

I – Dužnosti i načini ostvarenja dužnosti građana u zaštiti i spašavanju

Član 7.

Građani imaju pravo i dužnost učestvovati u CZ-i, izvršavati obavezu davanja materijalnih sredstava i obučavati se za ličnu i uzajamnu zaštitu i provođenje mjera zaštite i spašavanja.

Član 8.

U odnosu na zaštitu i spašavanje od prirodnih i drugih nesreća, građani imaju posebne dužnosti koje se sastoje u sljedećem:

- 1) da organiziraju zaštitu i spašavanje, što se odnosi na ličnu i uzajamnu zaštitu;
- 2) da učestvuju u CZ-i;
- 3) da učestvuju u obavezi davanja materijalnih sredstava;
- 4) da se obučavaju i osposobljavaju za provođenje lične i uzajamne zaštite i mjera zaštite i spašavanja;
- 5) da budu raspoređeni u štabove, jedinice i povjerenike CZ-e ili u službe zaštite i spašavanja;
- 6) da nadležni organ obavijeste o podacima značajnim za zaštitu i spašavanje;
- 7) da daju podatke značajne za vođenje evidencije u oblasti zaštite i spašavanja;
- 8) da učestvuju u zaštiti i spašavanju;
- 9) da se odazovu pozivu nadležnog organa CZ-e u vrijeme i na mjesto određeno u pozivu.

Član 9.

Dužnost građana da učestvuju u CZ-i ima opći karakter, a izvršava se prije i u vrijeme nastanka neke prirodne ili druge nesreće.

Prije nastanka nesreće, dužnost građana ostvaruje se u okviru određenih priprema za zaštitu i spašavanje, pripreme za zaštitu svoje porodice i svoje imovine, a kada nastane nesreća onda se ta dužnost vrši prema naredbama nadležnog štaba CZ-e koji na ugroženom području rukovodi akcijama zaštite i spašavanja.

U situacijama iz stava 2. ovog člana, građani mogu biti angažirani da samostalno izvršavaju određene zadatke zaštite i spašavanja, a mogu biti angažirani i kao ispomoć pojedinim jedinicama CZ-e, s tim da se ta ispomoć pruža prvenstveno jedinicama CZ-e opće namjene.

Građani su dužni postupiti po naredbi štaba CZ-e ili samoinicijativno učestvovati u spašavanju ugroženih ljudi i materijalni dobara.

Član 10.

Dužnost građana da učestvuju u obavezi davanja materijalnih sredstava ima opći karakter, a obuhvata obavezu davanja na privremeno korištenje CZ-i: vozila, strojeve, opremu i druga materijalna sredstva, zemljišta, objekte, uređaje i energetske izvore potrebne za zaštitu i spašavanje.

Građani, dužnost iz stava 1. ovog člana, izvršavaju u dvije faze i to:

- 1) u fazi spašavanja, što je vrijeme nastanka neke prirodne ili druge nesreće kada se sprovode aktivnosti na spašavanju ljudi i materijalnih dobara koji su ugroženi djelovanjem te nesreće;
- 2) u fazi otklanjanja posljedica, što je vrijeme otklanjanja nastalih šteta uslijed djelovanja prirodne ili druge nesreće.

Član 11.

Angažiranje materijalnih sredstava građana vrši se samo onda kada se utvrdi da sredstva CZ-e nisu dovoljna da bi se spašavanje, odnosno otklanjanje nastalih posljedica moglo vršiti efikasno i brzo.

Potrebu angažiranja materijalnih sredstava građana utvrđuje isključivo štab CZ-e koji na ugroženom području rukovodi akcijama zaštite i spašavanja i o tome on donosi odgovarajuću pismenu naredbu.

U naredbi se konkretno, po nazivu, određuju materijalna sredstva koja su građani dužni dati CZ-i.

Sredstva se daju na privremeno korištenje i nakon prestanka te potrebe, ona se vraćaju građanima.

Postupak davanja materijalnih sredstava, kao i vrste sredstava koje su građani dužni dati za potrebe CZ-e, izvršit će se temeljem Uredbe o načinu davanja i vraćanja materijalnih sredstava uzetih za potrebe Civilne zaštite ("Službene novine Federacije Bosne i Hercegovine", broj: 23/04 i 38/06).

Član 12.

Dužnost građana da učestvuju u obučavanju i osposobljavanju za sprovođenje lične i uzajamne zaštite i mjera zaštite i spašavanja obuhvata: pripreme građana za obavljanje zadataka na zaštiti i spašavanju; blagovremene pripreme da se građani osposobe i obuče za sprovođenje lične i uzajamne zaštite; određene mjere zaštite i spašavanja koje za građane budu utvrđene u Općinskom Planu zaštite i spašavanja i čije sprovođenje naređuje OpŠCZ-e).

Član 13.

Raspoređivanje građana u štabove, jedinice i povjerenike CZ-e i službe zaštite i spašavanja podrazumjeva donošenje rješenja kojim se građanin određuje u sastav jedne od tih struktura CZ-e.

Rješenje iz stava 1. ovog člana, donosi Služba CZ-e Općine.

Građanin može biti raspoređen samo u jednu od struktura CZ-e i obavezan je izvršavati samo one zadatke CZ-e koji su dati u nadležnost strukture CZ-e u koju je raspoređen i zadatke za koje bude zadužen kao pripadnik te strukture.

Član 14.

Dužnost građana da obavijeste nadležne organe, najbliži operativni centar CZ-e, Policijsku upravu ili Službu CZ-e, o podacima značajnim za zaštitu i spašavanje, odnosi se na sve vrste pojava i opasnosti koje mogu dovesti do nastanka neke prirodne ili druge nesreće ili da je već nastala neka nesreća.

Podatke iz stava 1. ovog člana, građani su dužni dostavljati odmah čim ih primijete ili za njih saznaju, sredstvima veze koja su u konkretnoj situaciji najpogodnija (telefonom) ili da prijevoznim sredstvom dođu u organ CZ-e ili policijsku upravu i daju određene podatke ili da podatke saopšte na drugi pogodan način.

Za prenošenje podataka iz stava 1. ovog člana, građanin može koristiti sredstva veze nekog pravnog lica (preduzeća) koje je njemu najbliže ili

mjesne zajednice. Ta pravna lica dužna su prenijeti podatke koje građanin daje, nekom od organa iz stava 1. ovog člana.

Član 15.

U cilju stvaranja uslova za raspoređivanje građana u strukture CZ-e i vođenja odgovarajuće evidencije, građani su dužni davati podatke značajne za vođenje evidencije u oblasti zaštite i spašavanja.

Evidencija se vodi prema posebnom propisu kojeg donosi direktor Federalne uprave CZ-e.

Građani su dužni u vezi evidencije;

- 1) da se prijave nadležnom organu CZ-e radi uvođenja evidencije;
- 2) da prijavljuju sve promjene koje se odnose na podatke koji se vode u evidenciji.

Centralnu evidenciju svih pripadnika CZ-e sa područja Općine vodi Služba CZ-e Općine.

Član 16.

U zaštiti i spašavanju dužni su učestvovati svi radno sposobni građani od 18 do 60 godina života muškarci, odnosno od 18 do 55 godina života žene.

Ove obaveze oslobađaju se samo građani koji budu ocijenjeni zdravstveno nesposobnim, što se utvrđuje prema Uredbi o osnovama i mjerilima za utvrđivanje zdravstvene i psihofizičke sposobnosti građana za učešće u zaštiti i spašavanju i obučavanju za Civilnu zaštitu ("Službene novine Federacije Bosne i Hercegovine", broj: 23/04) i građani koji se ne raspoređuju u CZ-u, temeljem člana 12. Zakona.

Član 17.

Građanin koji je od OpšćCZ-e ili Službe CZ-e pozvan radi učešća u zaštiti i spašavanju, dužan je odazvati se pozivu na mjesto i u vrijeme određeno u pozivu.

Odredba stava 1. ovog člana ima opći karakter, a odnosi se na sve vrste poziva za bilo koju obavezu iz oblasti CZ-e odnosno zaštite i spašavanja.

Pozivanje se, po pravilu, vrši pismeno a izuzetno može se vršiti i usmeno, pojedinačno ili grupno za određenu kategoriju građana.

Razlog pozivanja može biti različit, ali se u svakom slučaju mora odnositi na zadatke CZ-e, odnosno zaštite i spašavanja. Pozivanje se vrši radi: učešća u obuci ili vježbi CZ-e; davanja materijalnih sredstava; učešća u spašavanju; davanja određenih podataka značajnih za evidenciju koja se vodi o pripadnicima CZ-e i drugo.

2- Prava i način ostvarenja prava građana u zaštiti i spašavanju

Član 18.

Pored dužnosti iz člana 8. ove Odluke, građani imaju posebna prava u zaštiti i spašavanju. To su:

- 1) pravo da traže ocjenu zdravstvene sposobnosti za učešće u CZ-i i za obučavanje u CZ-i;
- 2) pravo da dobrovoljno učestvuju u CZ-i;

- 3) pravo na novčanu naknadu za učešće u CZ-i;
- 4) pravo na novčanu naknadu za građane koji samostalno obavljaju neku djelatnost;
- 5) pravo na novčanu naknadu za građane koji se nalaze u radnom odnosu;
- 6) pravo na zdravstvenu zaštitu, penzijsko i invalidsko osiguranje;
- 7) pravo na jednokratnu novčanu pomoć;
- 8) pravo na prijevoz, smještaj i ishranu za vrijeme učešća u zaštiti i spašavanju, obuci ili vježbi;
- 9) pravo na naknadu za uništenu ili oštećenu vlastitu odjeću i obuću;
- 10) pravo građanina koji obavlja kurirske poslove u civilnoj zaštiti na priznavanje statusa pripadnika CZ-e.

Član 19.

Pravo na ocjenu zdravstvene sposobnosti građani ostvaruju onda, kada smatraju da iz zdravstvenih razloga nisu sposobni za:

- 1) učešće u CZ-i;
- 2) učešće u obuci i osposobljavanju za CZ-u.

Pismeni zahtjev za ocjenu zdravstvene sposobnosti podnosi se Općinskoj Službi CZ-e.

Član 20.

U CZ-i dobrovoljno mogu učestvovati svi muškarci i žene stariji od 15 godina.

Dobrovoljno učestvovanje građana u CZ-i odnosi se na građane koji nisu raspoređeni u neku od struktura CZ-e a ostvaruje se u vrijeme nastanka prirodne ili druge nesreće; kada se vrši angažiranje građana na vršenju određenih aktivnosti na spašavanju ugroženih ljudi i materijalnih dobara i u vrijeme otklanjanja posljedica nastalih od te nesreće.

U situacijama iz stava 2. ovog člana, građani imaju pravo da se samoinicijativno prijave štabu CZ-e koji na ugroženom području rukovodi akcijama zaštite i spašavanja i da od tog štaba traže da ih angažira na izvršavanju određenih zadataka na zaštiti i spašavanju ugroženih ljudi i materijalnih dobara, odnosno na otklanjanju posljedica.

Građani – dobrovoljci dužni su postupati po nalogu štaba iz stava 3. ovog člana, a u toku učešća u akcijama spašavanja ili otklanjanja posljedica koje su nastale od neke prirodne ili druge nesreće, imaju prava i dužnosti pripadnika CZ-e u skladu sa ovom Odlukom.

Član 21.

Pravo na novčanu naknadu ostvaruju:

- 1) građani koji se nalaze u radnom odnosu;
- 2) građani koji se bave samostalnom djelatnošću i
- 3) građani koji nisu u radnom odnosu.

Ovo pravo građani ostvaruju samo onda kada budu, pozivom OpšćCZ-e ili Službe CZ-e pozvani na vršenje poslova CZ-e.

Novčanu naknadu obračunava, u skladu sa članom 18. Zakona, organ CZ-e iz stava 2. ovog člana, koji je građanina pozvao radi učešća u CZ-i,

srazmjerno vremenu angažiranja u CZ-i. Naknada se isplaćuje iz sredstava Budžeta Općine Velika Kladuša.

Novčana naknada obračunava se i isplaćuje po službenoj dužnosti u roku od 30 dana od dana prestanka angažovanja građanina na poslovima CZ-e.

Ukoliko se novčana naknada ne obračuna i ne isplati u predviđenom roku, građanin ima pravo, organu CZ-e koji ga je angažovao na poslovima CZ-e, podnijeti pismeni zahtjev i tražiti isplatu novčane naknade. Građanin u zahtjevu treba da navede: vrijeme provedeno na zadacima CZ-e (datumski označeno); mjesto vršenja zadataka; naziv organa CZ-e koji ga je pozvao.

Organ CZ-e kojem je podnesen zahtjev dužan je, po podnešenom zahtjevu, donijeti odgovarajuće rješenje kojim zahtjev može biti uvažen ili odbijen.

Član 22.

Građanin koji po odluci OpŠCZ-e odnosno Službe CZ-e sudjeluje u zaštiti i spašavanju od prirodnih i drugih nesreća, a bude povrijeđen ili kod kojeg nastupi bolest odnosno invalidnost kao neposredna posljedica vršenja zadataka u toj zaštiti, ima po tom osnovu prava iz penzijsko-invalidskog osiguranja i zdravstvenog osiguranja kao za slučaj povrede na radu.

Članovi obitelji građanina koji je učestvujući u zaštiti i spašavanju od prirodnih i drugih nesreća izgubio život imaju prava iz penzijsko – invalidskog i zdravstvenog osiguranja kao da je izgubio život u slučaju povrede na radu.

Da bi građanin ostvario prava iz stava 1. ovog člana, mora kumulativno ispuniti dva uslova, a to su:

- 1) da je učestvovao u zaštiti i spašavanju na osnovu poziva nadležnog organa i
- 2) da je u toku vršenja tih zadataka došlo do povrede ili da je nastupila bolest ili da je došlo do invalidnosti.

Uslovi iz stava 3. ovog člana moraju biti ispunjeni i kod ostvarivanja prava iz stava 2. ovog člana, za članove obitelji građanina koji je, učestvujući u zaštiti i spašavanju od prirodnih i drugih nesreća, izgubio život.

Član 23.

Pravo na jednokratnu novčanu pomoć mogu da ostvare oni građani koji, za vrijeme učešća u zaštiti i spašavanju od prirodnih i drugih nesreća, zadobiju povredu ili trajno obole.

Jednokratna novčana pomoć može se ostvariti samo ako se ispune kumulativno slijedeća tri uslova:

1. da je građanin učestvovao u zaštiti i spašavanju po naređenju OpŠCZ-e ili Službe CZ-e;
2. da je povreda ili oboljenje nastalo bez krivice građanina i
3. da je zbog povrede ili oboljenja kod građanina nastupilo tjelesno oštećenje od najmanje 20%.

Pravo na jednokratnu novčanu pomoć članova porodice građanina koji izgubi život, u toku vršenja

zadataka u zaštiti i spašavanju, može se ostvariti onda kada se utvrdi da su ispunjena slijedeća tri uslova:

1. da je član porodice koji je izgubio život učestvovao u zaštiti i spašavanju po naredbi OpŠCZ-e ili Službe CZ-e;
2. da je do gubitka života došlo kao neposredna posljedica vršenja tih zadataka zaštite i spašavanja (poginuo ili umro kao posljedica vršenja tih zadataka)
3. da taj građanin nije svjesnom radnjom kriv za gubitak života.

Pored uslova iz stava 2. i 3. ovog člana, pravo na jednokratnu novčanu pomoć građani ostvaruju po postupku i uslovima koji su utvrđeni Uredbom o visini i postupku ostvarivanja prava na jednokratnu novčanu pomoć u Civilnoj zaštiti ("Službene novine Federacije Bosne i Hercegovine", broj: 23/04).

Član 24.

Pravo na naknadu za prijevoz ostvaruje se uvijek kada građanin mora koristiti prijevoz radi dolaska i odlaska sa poslova zaštite i spašavanja, obuci ili vježbi CZ-e, ako prijevoz nije obezbjeđen odnosno ako nije organiziran.

Naknada za prijevoz se isplaćuje u visini troškova karte javnog prijevoza koji građanin treba da koristi na relaciji od mjesta stanovanja do mjesta vršenja zadataka CZ-e, obuke ili vježbe CZ-e.

Član 25.

Pravo na naknadu za smještaj i ishranu stiče se samo onda kada je učešće u CZ-i, na obuci ili vježbi CZ-e trajalo neprekidno duže od osam sati, te naknade ostvaruju se samo ako smještaj i ishrana nisu obezbjeđeni.

Visinu naknade utvrđuje organ CZ-e koji poziva građanina na vršenje zadataka u CZ-i.

Građanin koji, tokom izvođenja zadataka CZ-e, mora noćiti u mjestu u kojem se izvode zadaci CZ-e, obuka ili vježba CZ-e, ima pravo na naknadu za smještaj.

Naknade iz člana 24. i 25. ove Odluke po službenoj dužnosti obračunava organ koji je građane pozvao na vršenje poslova CZ-e, obuku ili vježbu CZ-e. Ove naknade se isplaćuju iz sredstava Budžeta Općine.

Član 26.

Građani koji, u toku učešća u zaštiti i spašavanju, izvođenju obuke ili vježbe CZ-e, nose vlastitu odjeću i obuću, kod kojih dođe do uništenja ili oštećenja te odjeće i obuće, imaju pravo na naknadu za uništenu ili oštećenu odjeću i obuću.

Ta naknada može se ostvariti samo na pismeni zahtjev građanina. Građanin zahtjev podnosi organu CZ-e koji je građanina pozvao na učešće u zaštiti i spašavanju, obuci ili vježbi CZ-e.

Član 27.

Građani koji se angažiraju za vršenje kurirsko – pozivarskih poslova u CZ-i, tokom vršenja tih poslova, imaju status pripadnika CZ-e.

3 – Obaveze i dužnosti pravnih lica u zaštiti i spašavanju

Član 28.

Privredna društva i druga pravna lica (u daljem tekstu: pravna lica), koja obavljaju djelatnosti iz oblasti: zdravstva, veterinarstva, stambenih i komunalnih poslova, vodoprivrede, šumarstva, poljoprivrede, hemijske industrije, građevinarstva, transporta, opskrbe, ugostiteljstva, vatrogastva, ekologije i drugih oblasti, u kojima se obavljaju djelatnosti od značaja za zaštitu i spašavanje, dužna su organizirati i provoditi poslove zaštite i spašavanja, u skladu sa Zakonom, drugim propisima i ovom Odlukom.

Član 29.

Pravna lica iz člana 28. ove Odluke, u vršenju poslova zaštite i spašavanja, moraju obezbjediti uslove za zaštitu i spašavanje svog ljudstva i imovine, koja može biti ugrožena od raznih vrsta prirodnih ili drugih nesreća, i uslove da se mogu angažirati kao pomoć na spašavanju ugroženih ljudi i materijalnim dobara van svojih postrojenja i objekata.

U cilju obezbjeđenja uslova iz stava 1. ovog člana, pravna lica dužna su da:

- 1) organiziraju i vrše poslove zaštite i spašavanja;
- 2) sprovode pripreme za zaštitu i spašavanje vlastitog ljudstva i materijalnih dobara;
- 3) donose svoje planove zaštite i spašavanja od prirodnih i drugih nesreća;
- 4) planiraju i obezbjeđuju materijalno-tehnička sredstva koja su potrebna za sprovođenje mjera zaštite i spašavanja, koja su predviđena u planu zaštite i spašavanja;
- 5) organiziraju jedinice CZ-e;
- 6) odrede povjerenike CZ-e;
- 7) obezbjede opremu i sredstva potrebna za rad povjerenika i jedinica CZ-e;
- 8) obučavaju i osposobljavaju svoje jedinice i povjerenike CZ-e, kao i svoje zaposlenike, za provođenje lične i kolektivne zaštite.

Član 30.

U toku vođenja akcija zaštite i spašavanja ljudi i materijalnih dobara od prirodnih i drugih nesreća, pravna lica, iz člana 28. ove Odluke, dužna su provoditi odluke i naredbe OpŠCZ-e.

OpŠCZ-e Općine, temeljem Zakona i ove Odluke, ima ovlaštenje da naredi učešće snaga i sredstava pravnih lica na spašavanju ugroženih ljudi i materijalnih dobara u vrijeme kada nastane određena prirodna ili druga nesreća i u vrijeme otklanjanja nastalih posljedica.

Naredbu iz stava 2. ovog člana, OpŠCZ-e izdaje onda kada, u gore navedenim situacijama, snage CZ-e Općine i druge snage angažirane na spašavanju ugroženih ljudi i materijalnih dobara, nisu dovoljne da uspješno, brzo i efikasno izvrše spašavanje ugroženih i nastradalih ljudi i materijalnih dobara.

Član 31.

Kada pravna lica, u okviru obavljanja svoje redovne djelatnosti, utvrde postojanje određene opasnosti, koje mogu dovesti ili su preteča pojavi prirodne nepogode, tehnološke, ekološke ili druge nesreće, dužna su podatke o takvoj opasnosti odmah dostaviti Općinskom operativnom centru CZ-e, Službi CZ-e ili Policijskoj stanici Velika Kladuša.

Pravna lica koja se bave djelatnošću, koja po svojoj prirodi može ugroziti život i zdravlje ljudi i okoliš na području Općine, dužna su uspostaviti i održavati sistem obavještanja i uzbunjivanja, na području koje pokrivaju njegovi poslovni ili proizvodni objekti, koje može biti ugroženo tom djelatnošću, radi blagovremene evakuacije stanovništva sa tog područja.

Član 32.

U pripremi i sprovođenju zaštite i spašavanja, u okviru svoje redovne djelatnosti, obavezno učestvuju; Općinska organizacija crvenog krsta/križa i druge humanitarne organizacije i udruženja građana sa područja Općine, čija djelatnost je u neposrednoj funkciji zaštite i spašavanja i koja svojim angažiranjem mogu doprinjeti zaštiti i spašavanju ugroženih ljudi i materijalnih dobara po raznim pitanjima, u skladu sa Zakonom, drugim propisima, ovom Odlukom, ugovorima i sporazumima i njihovim pravilima o organiziranju.

Najvažniji poslovi humanitarnih organizacija i udruženja građana, koje oni imaju u oblasti zaštite i spašavanja, su:

- 1) da se pripremaju za zaštitu i spašavanje;
- 2) da učestvuju u zaštiti i spašavanju ugroženih ljudi i materijalnih dobara i na otklanjanju nastalih posljedica;
- 3) da sprovode mjere zaštite i spašavanja koje naredi OpŠCZ-e;
- 4) da obučavaju i osposobljavaju svoje članove za zaštitu i spašavanje;
- 5) da ostvaruju saradnju sa Službom CZ-e Općine;
- 6) da u svojim programima rada utvrđuju zadatke iz oblasti zaštite i spašavanja.

Član 33.

Pravna lica, vlasnici i korisnici sredstava veze (telefon, teleks, telefaks), kao i ona pravna lica koji su vlasnici ili korisnici telekomunikacijskih i informacionih sistema, dužni su dati prioritet u korištenju tih sistema i veza: Općinskom operativnom centru, Službi CZ-e, odnosno OpŠCZ-e, kada rukovodi akcijama zaštite i spašavanja na području Općine.

Obaveza davanja prioriteta u korištenju tih sistema i veza organima i službama iz stava 1. ovog člana, postoji onda kada je na području Općine nastala neka prirodna nepogoda ili druga nesreća i kada prijete neposredna opasnost za nastanak neke nesreće, pa se vode aktivnosti na spašavanju nastradalih i ugroženih ljudi i materijalnih dobara, odnosno kada se vode aktivnosti na sprečavanju nastanka nesreće, koja neposredno prijete.

Prioritet korištenja sredstava iz stava 1. ovog člana, ostvaruje se tako što OpŠCZ-e, koji rukovodi akcijama zaštite i spašavanja, podnosi pismeni zahtjev pravnom licu koje raspolaže tim sistemom ili vezama, da za potrebe OpŠCZ-e obezbijedi prioritet za prenošenje naredbi i saopštenja Štaba u određenom vremenu. Zahtjev može podnijeti i Općinska Služba CZ-e.

Član 34.

Sva pravna lica dužna su davati materijalna sredstva za potrebe CZ-e, koja se mogu koristiti u akcijama zaštite i spašavanja ugroženih ljudi i materijalnih dobara, na otklanjanju nastalih posljedica i u vrijeme kada Općinski načelnik proglasi da je, na području Općine, nastala prirodna ili druga nesreća.

Naredbu za davanje materijalnih sredstava izdaje OpŠCZ-e.

Obavezu davanja materijalnih sredstava, pravna lica izvršavaju na način i po postupku koji je reguliran Uredbom o načinu davanja i vraćanja materijalnih sredstava za potrebe Civilne zaštite ("Službene novine Federacije Bosne i Hercegovine", broj: 23/04 i 38/06).

III- NADLEŽNOST OPĆINSKIH ORGANA VLASTI

1 – Nadležnost Općine

Član 35.

U ostvarivanju prava i dužnosti u oblasti zaštite i spašavanja, Općina:

- 1) donosi Odluku o organizovanju i funkcionisanju zaštite i spašavanja na području Općine i osigurava njeno provođenje u skladu sa Zakonom i drugim propisima;
- 2) donosi Program razvoja zaštite i spašavanja Općine od prirodnih i drugih nesreća;
- 3) planira i utvrđuje izvore finansiranja za izvršavanje poslova zaštite i spašavanja iz svoje nadležnosti;
- 4) organizira Operativni centar CZ-e u Općini, u skladu sa Zakonom i osigurava njegovo funkcioniranje;
- 5) donosi akte o osnivanju OpŠCZ-e, postavljenju komandanta, načelnika štaba i određivanju funkcija u Općinskim službama za upravu i Službi CZ-e, čiji su nosioci po položaju članovi OpŠCZ-e;
- 6) donosi Plan zaštite i spašavanja Općine od prirodnih i drugih nesreća;
- 7) proglašava stanje prirodne i druge nesreće i naređuje upotrebu snaga i sredstava CZ-e, službi za upravu, privrednih društava i drugih pravnih lica sa područja Općine, na prevenciji, ublažavanju i otklanjanju štetnih posljedica od prirodnih i drugih nesreća po ljude i materijalna dobra.

- 8) vrši i druge poslove zaštite i spašavanja u skladu sa Zakonom, drugim propisima i općim aktima.

9)

2 – Općinsko vijeće

Član 36.

U ostvarivanju prava i dužnosti u oblasti zaštite i spašavanja, Općinsko vijeće:

- 1) donosi Odluku o organizovanju i funkcionisanju zaštite i spašavanja na području Općine i osigurava njeno provođenje;
- 2) donosi Program zaštite i spašavanja Općine od prirodnih i drugih nesreća;
- 3) planira i utvrđuje izvore finansiranja za izvršavanje poslova zaštite i spašavanja iz nadležnosti Općine;
- 4) donosi akte o osnivanju OpŠCZ-e;
- 5) razmatra stanje zaštite i spašavanja na području Općine i utvrđuje mjere za razvoj i usavršavanje zaštite i spašavanja od prirodnih i drugih nesreća.

3 – Općinski načelnik

Član 37.

U ostvarivanju prava i dužnosti u oblasti zaštite i spašavanja, Općinski načelnik:

- 1) organizuje Općinski operativni centar CZ-e, u skladu sa Zakonom, drugim propisima i ovom Odlukom, i osigurava njegovo funkcionisanje;
- 2) donosi akte o postavljenju komandanta i načelnika OpŠCZ-e i određivanju funkcija u Općinskim službama za upravu, čiji su nosioci po položaju članovi OpŠCZ-e;
- 3) donosi akte o postavljenju komandanta, načelnika štaba i članova štaba u štabovima CZ-e koji se obrazuju u mjesnim područjima u skladu sa ovom Odlukom;
- 4) donosi Procjenu ugroženosti područja Općine od prirodnih i drugih nesreća;
- 5) donosi Plan zaštite i spašavanja od prirodnih i drugih nesreća Općine;
- 6) proglašava stanje prirodne i druge nesreće i naređuje upotrebu snaga i sredstava CZ-e, službi za upravu, privrednih društava i drugih pravnih lica sa područja Općine, na prevenciji, ublažavanju i otklanjanju štetnih posljedica od prirodnih i drugih nesreća po ljude i materijalna dobra na području Općine;
- 7) proglašava prestanak prirodne i druge nesreće na području Općine;
- 8) naređuje mobilizaciju građana i njihovih sredstava i sredstava pravnih lica, samostalnih privrednika, državnih organa, kao i jedinica, štabova, povjerenika i službi za zaštitu i spašavanje.

4 – Općinske službe i organi uprave

Član 38.

Općinske službe i organi uprave u okviru svojih prava i dužnosti, utvrđenih Zakonom, statutom Općine i drugim propisima, u oblasti zaštite i spašavanja:

- 1) organiziraju, planiraju i osiguravaju provođenje preventivnih mjera zaštite, za zaštitu vlastitog ljudstva, materijalnih sredstava i objekata koje koriste u svom radu;
- 2) učestvuju u izradi Procijene ugroženosti za područje Općine, Općinskog programa razvoja i Općinskog plana zaštite i spašavanja, u pitanjima iz oblasti za koju su osnovani, u okviru svoje redovne djelatnosti realiziraju zadatke koji se za njihove oblasti utvrde u tim dokumentima;
- 3) provode mjere zaštite i spašavanja ljudi i materijalnih dobara iz svoje oblasti, naročito mjere koje naredi OpŠCZ-e, koje se odnose na angažiranje službi zaštite i spašavanja, privrednih društava i drugih pravnih lica u zaštiti i spašavanju;
- 4) obavještavaju Službu CZ-e o podacima koji su od značaja za planiranje, organiziranje i provođenje zaštite i spašavanja ljudi i materijalnih dobara iz nadležnosti Općine;
- 5) učestvuju u izradi elaborata za izvođenje zajedničkih i samostalnih vježbi zaštite i spašavanja;
- 6) prate stanje zaštite u oblastima za koje su osnovani i predlažu mjere za razvoj i unapređenje zaštite;
- 7) vrše i druge poslove u oblasti zaštite i spašavanja u skladu sa Zakonom, drugim propisima i općim aktima.

Općinske službe i organi uprave dužni su da zadatke iz stava 1.ovog člana, razrađuju u svojim planovima rada.

5 – Općinska Služba CZ-e

Član 39.

Upravne, stručne i druge poslove zaštite i spašavanja, iz nadležnosti Općine, vrši Služba CZ-e, koja ima status Općinske službe za upravu.

Služba CZ-e, u oblasti zaštite i spašavanja, obavlja slijedeće poslove:

- 1) organizira, priprema i provodi zaštitu i spašavanje na području Općine;
- 2) izrađuje Procjenu ugroženosti za područje Općine;
- 3) priprema Program razvoja zaštite i spašavanja od prirodnih i drugih nesreća u Općini;
- 4) predlaže Plan zaštite i spašavanja od prirodnih i drugih nesreća u Općini;
- 5) prati stanje priprema za zaštitu i spašavanje i predlaže mjere za

unapređenje organiziranja i osposobljavanja CZ-e;

- 6) organizira, izvodi i prati realizaciju obuke građana na provođenju lične i uzajamne zaštite;
- 7) organizira i koordinira provođenje mjera zaštite i spašavanja, organizira i provodi poslove zaštite i spašavanja i vatrogastva, predlaže program samostalnih vježbi i izrađuje elaborat za izvođenje vježbi CZ-e u Općini;
- 8) organizira Općinski operativni centar CZ-e i obezbjeđuje njegov rad;
- 9) vrši popunu ljudstvom štabova CZ-e, službi zaštite i spašavanja i jedinica CZ-e i određuje povjerenike CZ-e i osigurava njihovo opremanje materijalno-tehničkim sredstvima, organizira, izvodi i prati realizaciju njihove obuke;
- 10) priprema propise iz oblasti zaštite i spašavanja iz nadležnosti Općine;
- 11) vodi propisane evidencije i vrši druge poslove zaštite i spašavanja u skladu sa Zakonom, drugim propisima i općim aktima.

6 – Mjesne zajednice

Član 40.

Mjesna zajednica, u okviru svojih prava i dužnosti, u organizovanju i ostvarivanju zaštite i spašavanja od prirodnih i drugih nesreća, naročito:

- 1) organizuje i osposobljava građane za sprovođenje zadataka i mjera zaštite;
- 2) planira i organizuje mjere zaštite;
- 3) planira i organizuje radne jedinice od svih građana i provodi njihovu mobilizaciju radi učešća u zaštiti;
- 4) organizuje i obezbjeđuje prihvati i zbrinjavanje evakuisanih građana i materijalnih dobara;
- 5) organizuje i održava red za vrijeme prirodne i druge nesreće;
- 6) obezbjeđuje informisanost građana o opasnostima od prirodnih i drugih nesreća, posljedicama i mjerama koje se preduzimaju na zaštiti i otklanjanju posljedica;

U organizovanju, planiranju i ostvarivanju zaštite i spašavanja, mjesna zajednica saraduje se OpŠCZ-e i štabom CZ-e mjesnog područja i preduzećima na području mjesne zajednice u pitanjima od zajedničkog interesa, i u tom pogledu, mogu udruživati snage i sredstva za zaštitu od prirodnih i drugih nesreća na području mjesne zajednice.

Član 41.

Mjesna zajednica, u Statutu ili drugom općem aktu, uređuje način organizovanja i ostvarivanja zaštite i spašavanja na području mjesne zajednice, utvrđuje nadležnost organa mjesne zajednice i način angažovanja građana u zaštiti i spašavanju.

IV – ORGANIZACIJA CIVILNE ZAŠTITE

1 – Lična i uzajamna zaštita građana

Član 42.

Lična i uzajamna zaštita građana predstavlja najmasovniji oblik pripremanja i organiziranog učešća građana u zaštiti i spašavanju. Ta zaštita se provodi u stambenim zgradama, javnim i drugim objektima, naseljima i pravnim licima.

Lična i uzajamna zaštita obuhvata:

- 1) obuku građana;
- 2) mjere i postupke preventivne zaštite;
- 3) prvu pomoć i samopomoć;
- 4) zbrinjavanje djece i nemoćnih lica i
- 5) druge hitne intervencije u zaštiti i spašavanju ljudi i materijalnih dobara.

2 – Mjere zaštite i spašavanja

Član 43.

Mjere zaštite i spašavanja predstavljaju organizirane radnje i postupke preventivne i operativne prirode, koje pripremaju i provode organi uprave i drugi organi vlasti i pravna lica, koji svi zajedno čine nosioce zaštite i spašavanja.

Nosioci zaštite i spašavanja planiraju i pripremaju:

- 1) mjere i postupke zaštite i spašavanja u slučaju postojanja neposredne opasnosti od nastajanja prirodnih i drugih nesreća;
- 2) mjere i postupke zaštite i spašavanja tokom trajanja prirodnih i drugih nesreća;
- 3) mjere i postupke za ublažavanje i otklanjanje posljedica od prirodnih i drugih nesreća.

Član 44.

Mjere i postupci zaštite i spašavanja iz člana 43. ove Odluke, utvrđuju se planovima zaštite i spašavanja od prirodnih i drugih nesreća.

Planovi zaštite i spašavanja moraju biti međusobno usklađeni i to: planovi zaštite pravnih lica s planom zaštite Općine; plan zaštite Općine s planom zaštite Unsko-sanskog kantona. Planovi se usklađuju samo u pitanjima u kojima se određuju zadaci za određene nosioce CZ-e.

Član 45.

Sva pravna lica koja su vlasnici poslovnih objekata i stambenih zgrada na području Općine, odgovorni su za provođenje, Zakonom i ovom Odlukom propisanih, mjera zaštite i spašavanja, moraju nabaviti i držati u funkcionalnom stanju potrebna sredstva i opremu za zaštitu i spašavanje, u skladu sa Odlukom o vrsti i minimalnim količinama sredstava potrebnih za sprovođenje lične i kolektivne zaštite građana i zaposlenika u poslovnim objektima i stambenim zgradama od prirodnih i drugih nesreća ("Službene novine Federacije Bosne i Hercegovine", broj: 23/04 i

58/06), Službi CZ-e Općine i povjereniku CZ-e, davati podatke o objektima, korisnicima i stanju sredstava i opreme, namijenjenih za potrebe CZ-e.

Ako vlasnik iz stava 1. ovog člana, izda u zakup poslovni objekt ili stambenu zgradu dužan je, u ugovoru o zakupu, utvrditi način nabavke i namjenskog korištenja sredstava i opreme iz stava 1. ovog člana.

Član 46.

U zaštiti i spašavanju ljudi i materijalnih dobara od opasnosti i posljedica prirodnih i drugih nesreća, na području Općine provode se slijedeće aktivnosti i mjere u zaštiti i spašavanju:

- 1) sklanjanje ljudi i materijalnih dobara;
- 2) evakuacija;
- 3) zbrinjavanje ugroženih i stradalih;
- 4) zamračivanje;
- 5) zaštita i spašavanje od radioloških, hemijskih i bioloških sredstava;
- 6) zaštita i spašavanje od rušenja;
- 7) zaštita i spašavanje od požara;
- 8) zaštita od neeksplozivnih ubojnih sredstava;
- 9) prva medicinska pomoć;
- 10) zaštita i spašavanje životinja i namirnica životinjskog porijekla;
- 11) asanacija terena;
- 12) zaštita okoliša;
- 13) zaštita bilja i biljnih proizvoda.

Osim provođenja aktivnosti i mjera iz stava 1. ovog člana, ako za to, temeljem procijene ugroženosti Općine od prirodnih i drugih nesreća, postoji potreba, mogu se planirati, pripremati, organizirati i provoditi i druge aktivnosti i mjere u zaštiti i spašavanju, temeljem posebnih uputstava koje donosi direktor Federalne uprave CZ-e.

3 – Štabovi civilne zaštite

Član 47.

Za rukovođenje akcijama zaštite i spašavanja na području Općine, te za obavljanje drugih poslova u zaštiti i spašavanju, u skladu sa Zakonom i drugim propisima, osniva se OpŠCZ-e, kao poseban operativno-stručni organ.

Štab CZ-e može se osnovati i u pravnim licima iz člana 28. ove Odluke, u skladu sa njihovim procjenama ugroženosti, te u mjesnim zajednicama.

Ako se ne osnuje štab CZ-e, pravna lica dužna su, svojim općim aktom, odrediti organ koji će rukovoditi akcijama zaštite i spašavanja u pravnom licu.

Ako je u istom objektu ili u više objekata na istom lokalitetu smješteno više pravnih lica, može se osnovati zajednički štab CZ-e o čemu sporazumno odlučuju nadležni organi tih pravnih lica.

Član 48.

U rukovođenju akcijama zaštite i spašavanja, OpŠCZ-e vrši slijedeće poslove:

- 1) odlučuje o upotrebi snaga i sredstava CZ-e, na zaštitu i spašavanju ugroženih inostradalih ljudi i materijalnih dobara i te snage raspoređuje na ugrožena područja Općine;
- 2) naređuje provođenje odgovarajućih mjera zaštite i spašavanja i određuje snage i sredstva koje će provoditi te mjere;
- 3) usmjerava, koordinira i rukovodi akcijama zaštite i spašavanja svih učesnika angažovanih na zaštitu i spašavanju na području Općine;
- 4) rješava sva pitanja koja se, u toku provođenja aktivnosti na zaštitu i spašavanju, pojave u vezi sa angažovanjem snaga i sredstava CZ-e i provođenja mjera zaštite i spašavanja i samozaštite građana.

Pored poslova u rukovođenju akcijama zaštite i spašavanja iz stava 1. ovog člana, OpŠCZ-e vrši i slijedeće poslove:

- 1) naređuje štabovima mjesnih zajednica, štabovima pravnih lica u kojima su ti štabovi osnovani i službama zaštite i spašavanja, koje se formiraju na području Općine, drugim ustanovama, organima i organizacijama, da učestvuju u poduzimanju mjera i aktivnosti na zaštitu i spašavanju na području Općine;
- 2) naređuje angažovanje snaga i sredstava sa područja jedne mjesne zajednice na ugroženo područje druge mjesne zajednice.

Član 49.

OpŠCZ-e sastoji se od: komandanta, načelnika i članova štaba.

Komandanta, načelnika i članove OpŠCZ-e postavlja i razrješava Općinski načelnik.

Komandant OpŠCZ-e je, po položaju, rukovodeći službenik kojeg odredi Općinski načelnik.

Načelnik OpŠCZ-e je, po položaju, pomoćnik Općinskog načelnika-rukovodilac Službe CZ-e Općine.

Članovi OpŠCZ-e, po položaju, su:

- 1) rukovodioci svih općinskih službi za upravu;
- 2) određen broj državnih službenika iz općinske Službe CZ-e, koji su zaduženi za mjere zaštite i spašavanja i druge slične poslove;
- 3) sekretar Općinske organizacije crvenog križa;
- 4) predstavnik sredstava javnog informisanja u Općini;
- 5) prema potrebi, i rukovodioci određenih pravnih lica, iz oblasti zdravstva,

veterinarstva, unutrašnjih poslova i slično, ako nema odgovarajućih kadrova u općinskim službama za upravu za te oblasti.

Član 50.

OpŠCZ-e donosi Poslovnik o radu, kojim se uređuju slijedeća pitanja: unutrašnja organizacija OpŠCZ-e, način pripremanja sjednica štaba, utvrđivanje dnevnog reda, zakazivanje i vođenje sjednica, način rasprave o pitanjima dnevnog reda, način odlučivanja i donošenja akata (odluke, naredbe i zaključci) iz nadležnosti Štaba, način utvrđivanja zaduženja članovima Štaba na realizaciji zadataka koji se utvrde u aktima OpŠCZ-e, vođenje zapisnika i druga pitanja od značaja za organizaciju i način rada OpŠCZ-e.

Član 51.

Stručne, administrativno-tehničke i druge poslove, potrebne za rad OpŠCZ-e, organizira i vrši Služba CZ-e Općine, kao stručna služba OpŠCZ-e.

OpŠCZ-e razmatra materijale iz oblasti zaštite i spašavanja koje pripremaju: općinske službe za upravu i pravna lica, u pitanjima iz svoje nadležnosti, a osigurava ih i priprema Služba CZ-e Općine.

Član 52.

Štab CZ-e može se formirati u većim mjesnim zajednicama, za koje se procijeni da je njegovo formiranje neophodno, i ako je takva obaveza utvrđena u Procjeni ugroženosti Općine.

Štab CZ-e mjesne zajednice sastoji se od: komandanta, načelnika i članova štaba mjesne zajednice.

Štab CZ-e iz stava 1. ovog člana, formira Općinski načelnik na prijedlog Službe CZ-e Općine.

Štab CZ-e koji se formira u mjesnoj zajednici nadležan je da rukovodi akcijama zaštite i spašavanja na području mjesne zajednice za koju je osnovan.

U rukovođenju akcijama zaštite i spašavanja, štab CZ-e mjesne zajednice ima ovlaštenja određena u odredbi člana 108. Zakona. Ovlaštenja utvrđena u toj zakonskoj odredbi, štab CZ-e mjesne zajednice ostvaruje putem vršenja operativne funkcije, na način što rukovođenje akcijama zaštite i spašavanja ostvaruje u odnosu na angažiranje građana, kućnih savjeta, predsjednika mjesne zajednice i provođenje naredbi OpŠCZ-e, koje se odnose na aktivnosti štaba mjesne zajednice.

Član 53.

U cilju stvaranja uslova da štab CZ-e mjesne zajednice može efikasno vršiti operativnu funkciju, Služba CZ-e organizira i provodi pripreme tog štaba za vršenje te funkcije kroz organiziranje i provođenje obuke i osposobljavanja.

Obuka i osposobljavanje štaba CZ-e mjesne zajednice, vrši se po planu i programu kojeg utvrđuje direktor Federalne uprave CZ-e.

Realizaciju plana i programa iz stava 2. ovog člana, organizira i provodi Služba CZ-e Općine, uz učešće predsjednika mjesne zajednice i općinske službe za upravu koja je nadležna za mjesne zajednice.

Član 54.

U okviru priprema za vršenje operativne funkcije, štab CZ-e mjesne zajednice povremeno,

prema potrebi, održava sjednice štaba koje planira, priprema i organizira Služba CZ-e.

Operativnu funkciju, štab CZ-e mjesne zajednice ostvaruje od momenta aktiviranja i vršenja funkcije rukovođenja akcijama zaštite i spašavanja na području mjesne zajednice, do momenta kada OpŠCZ-e naredi prestanak rada štaba CZ-e mjesne zajednice.

Aktiviranje štaba CZ-e mjesne zajednice vrši OpŠCZ-e, kada bude aktivan, u situacijama: kada Općinski načelnik proglasi nastanak prirodne ili druge nesreće na području ili pojedinim područjima Općine, za vrijeme vježbi CZ-e i u vrijeme ratnog stanja.

Kada zaprijeti neposredna opasnost za nastanak određene prirodne ili druge nesreće, koja može da ugrozi život i zdravlje ljudi i materijalna dobra na cijelom ili određenom području Općine, aktiviranje štaba CZ-e mjesne zajednice vrši načelnik OpŠCZ-e, putem Službe CZ-e Općine.

Član 55.

Rukovođenje akcijama zaštite i spašavanja, štab CZ-e mjesne zajednice ostvaruje na području mjesne zajednice za koju je formiran, uz neposrednu saradnju i po uputama, odnosno naredbama OpŠCZ-e.

Rukovođenje iz stava 1. ovog člana, štab CZ-e mjesne zajednice ostvaruje tako što naređuje preduzimanje mjera zaštite i spašavanja koje su za mjesnu zajednicu utvrđene u Općinskom planu zaštite i spašavanja, prema potrebama koje postoje na području mjesne zajednice.

Član 56.

Štab CZ-e koji se, u skladu sa odredbama Zakona o zaštiti i spašavanju, osnuje u pravnom licu nadležan je da rukovodi akcijama zaštite i spašavanja u objektima i poslovnim prostorima koji pripadaju pravnom licu, te na području na kojem pravno lice vrši svoju redovnu djelatnost.

Ako je u istom objektu, ili u više objekata na istom lokalitetu, smješteno više pravnih lica, može se osnovati zajednički štab CZ-e, o čemu sporazumno odlučuju nadležni organi tih pravnih lica.

Nadležnost štaba CZ-e iz stava 1. ovog člana, utvrđuje se općim aktom pravnog lica i određuju situacije kada taj štab vrši svoje funkcije, s tim da je dužan funkcionirati u svim slučajevima kada to naredi OpŠCZ-e Općine.

Ako se ne osnuje štab CZ-e iz stava 1. ovog člana, pravna lica su dužna, svojim općim aktom, odrediti organ koji će rukovoditi akcijama zaštite i spašavanja.

Član 57.

Štab CZ-e pravnog lica čine: komandant, načelnik i članovi štaba CZ-e.

U zavisnosti od veličine pravnog lica, broja objekata i lokacija na kojima se objekti i imovina kojima raspolaže nalaze, broja zaposlenika i potreba utvrđenih u procjeni ugroženosti, štab iz stava 1. ovog člana, može da ima: komandanta i članove štaba.

Sastav i način popune štaba CZ-e u pravnim licima, u kojima se formiraju ovi štabovi, uređuje se općim aktom pravnog lica.

Član 58.

U cilju osposobljavanja štaba CZ-e za njegovo efikasno vršenje operativne funkcije, putem rukovođenja akcijama zaštite i spašavanja, pravno lice koje je osnovalo taj štab, dužno je planirati i provoditi obuku i osposobljavanje.

Obuka i osposobljavanje štaba CZ-e odnosi se na sva pitanja koja se općim aktom pravnog lica stave u nadležnost tog štaba.

Planiranje, organiziranje i provođenje obuke i osposobljavanja štaba CZ-e vrši stručna služba pravnog lica koja se odredi općim aktom pravnog lica, kojim je regulirano osnivanje tog štaba u saradnji sa Službom CZ-e Općine.

Član 59.

Operativnu funkciju u zaštiti i spašavanju, štab CZ-e pravnog lica ostvaruje u situaciji; kada zaprijeti neposredna opasnost od nastanka prirodne ili druge nesreće, koja može ugroziti život i zdravlje zaposlenika i materijalna dobra pravnog lica, odnosno u situaciji kada nastane ta nesreća.

U situacijama iz stava 1. ovog člana, štab CZ-e pravnog lica, operativnu funkciju ostvaruje putem rukovođenja akcijama zaštite i spašavanja, dok te situacije postoje i dok se ne uklone sve posljedice nastale djelovanjem prirodne ili druge nesreće.

Aktiviranje štaba CZ-e u situacijama iz stava 1. ovog člana, vrši direktor pravnog lica ili drugi organ, koji je određen općim aktom pravnog lica.

Ako je prirodna ili druga nesreća ugrozila dio ili cijelo područje Općine, u tom slučaju, štab CZ-e pravnog lica, pored rukovođenja akcijama zaštite i spašavanja u pravnom licu, dužan je postupati po naredbama OpŠCZ-e, koji rukovodi akcijama zaštite i spašavanja na ugroženom području Općine.

4 – Povjerenici civilne zaštite

Član 60.

Povjerenici CZ-e (u daljem tekstu: povjerenici), određuju se u; naselju, stambenim zgradama, selima i zaseocima (u daljem tekstu: naselja), u organima uprave i službama za upravu Općine, drugim organima, ustanovama i pravnim licima u kojima se ne osniva štab CZ-e.

Član 61.

Povjerenike postavlja i razrješava:

1. u organima uprave i drugim organima vlasti i ustanovama – rukovodilac kojirukovodi organom uprave, odnosno ustanove, a kad je više organa smješteno u istoj zgradi – sporazumno rukovodioci koji rukovode tim organima, odnosnoustanovama;
2. u pravnom licu – direktor, odnosno drugi organ određen općim aktom pravnog lica;
3. u naselju i službama za upravu Općine – Općinski načelnik, na prijedlog Službe CZ-e Općine.

Član 62.

Povjerenici u organima uprave i drugim organima vlasti, ustanovama i pravnim licima vrše poslove koji se odnose na organiziranje i pripremanju mjera i aktivnosti na sudjelovanju službenika i zaposlenika na provođenju lične i kolektivne zaštite i mjera zaštite i spašavanja u zgradama i objektima za koje su zaduženi.

Povjerenici u naseljima vrše poslove koji se odnose na organiziranje i poduzimanje neposrednih mjera na učešću građana u provođenju samozaštite i mjera zaštite i spašavanja, koje su od značaja za samozaštitu i učestvuju u svim aktivnostima CZ-e koje se provode, u akcijama zaštite i spašavanja ljudi i materijalnih dobara, na određenom području Općine, odnosno u objektima za koje su zaduženi.

Planom zaštite i spašavanja od prirodnih i drugih nesreća, za područje Općine, odredit će se: broj povjerenika, njihovi poslovi i zadaci u miru, za vrijeme prirodnih nepogoda i drugih nesreća, neposrednoj ratnoj opasnosti i ratu, u skladu sa Zakonom i Pravilnikom o načinu rada i funkcioniranja štabova i povjerenika Civilne zaštite ("Službene novine Federacije Bosne i Hercegovine", broj: 77/06 i 5/07).

5 – Službe civilne zaštite**Član 63.**

Službe zaštite i spašavanja, po pravilu, organiziraju se u pravnim licima iz člana 28. ove Odluke, koja ispunjavaju sve uslove za rad tih službi, a to su:

- 1) da se bave djelatnošću koja je u funkciji zaštite i spašavanja u oblasti za koju su osnovana;
- 2) da raspolažu stručnim kadrovima za vršenje poslova iz nadležnosti službe;
- 3) da raspolažu materijalno-tehničkim sredstvima i opremom koja služi za vršenje poslova iz nadležnosti službe.

Funkciju službe zaštite i spašavanja može imati cijelo pravno lice ili samo njegov dio, čija je djelatnost od značaja za zaštitu i spašavanje.

Općinski načelnik, na prijedlog Službe CZ-e, određuje pravna lica i udruženja građana u kojima će se organizirati službe zaštite i spašavanja koje će djelovati na području Općine.

Član 64.

Pravna lica iz člana 28. ove Odluke, koja ne organiziraju službe zaštite i spašavanja, u akcijama zaštite i spašavanja, imaju prava, obaveze i odgovornosti službi zaštite i spašavanja.

Kada ne postoje uvjeti za organiziranje službi prema odredbama člana 63. stav 1. ove Odluke, Općinski načelnik, na prijedlog Službe CZ-e, u skladu sa Procjenom ugroženosti Općine, može organizirati samostalne službe zaštite i spašavanja za potrebe Općine.

6 – Jedinice civilne zaštite**Član 65.**

Jedinice CZ-e formiraju se, opremaju i osposobljavaju, kao operativne snage, radi neposrednog angažiranja na izvršavanju zadataka zaštite i spašavanja ljudi i materijalnih dobara od prirodnih i drugih nesreća i otklanjanja posljedica nastalih djelovanjem tih nesreća.

Jedinice CZ-e formiraju se kao jedinice opće i specijalizovane namjene.

Jedinice opće namjene, po pravilu, formiraju se na načelima teritorijalne popune, mogu se upotrijebiti kao ispomoć i van područja gdje su osnovane, o čemu odlučuje nadležni štab CZ-e.

Jedinice opće i specijalizovane namjene mogu se formirati kao; timovi, odjeljenja i vodovi.

Vrste, veličina i broj jedinica CZ-e utvrđuje se na osnovu; Procjene ugroženosti Općine od djelovanja prirodnih i drugih nesreća, ljudskih, materijalnih i drugih mogućnosti kojima raspolaže Općina.

Član 66.

Jedinice opće namjene organiziraju se, opremaju i obučavaju za izvršavanje zadataka na pružanju podrške u provođenju aktivnosti i mjera zaštite i spašavanja iz člana 46. ove Odluke.

Jedinice opće namjene Općine formira Općinski načelnik na prijedlog Službe CZ-e.

Poslove pripremanja, popune, opremanja i obučavanja jedinica opće namjene vrši Služba CZ-e Općine.

Član 67.

Jedinice CZ-e specijalizirane namjene, formiraju se, pripremaju, opremaju i obučavaju radi izvršavanja složenijih i istovrsnih zadataka zaštite i spašavanja, čiji pripadnici pri vršenju tih poslova moraju imati odgovarajuće stručno znanje i koristiti odgovarajuća tehnička sredstva i opremu.

Općinski načelnik, na prijedlog Službe CZ-e, organizuje specijalizovane jedinice CZ-e Općine, koje obavljaju složenije poslove zaštite i spašavanja na cijelom području Općine, kada snage i sredstva pravnih lica i službe zaštite i spašavanja, te jedinice CZ-e opće namjene, nisu dovoljne za ostvarivanje efikasne zaštite i spašavanja na području Općine.

Poslove pripremanja, popune, opremanja i obučavanja specijalizovanih jedinica Općine vrši Služba CZ-e.

Član 68.

Specijalizovane jedinice CZ-e formiraju se za:

- 1) zaštitu od požara;
- 2) prvu medicinsku pomoć;
- 3) RHB zaštitu;
- 4) zaštitu i spašavanje iz ruševina;
- 5) asanaciju terena.

Prema vlastitim procjenama mogu se formirati i druge specijalizirane jedinice CZ-e, na način propisan članom 67. stav 2. ove Odluke.

V – PROGRAMIRANJE I PLANIRANJE**Član 69.**

Osnovna planska dokumenta, u kojima se utvrđuje cjelokupna organizacija i način funkcioniranja sistema zaštite i spašavanja na području Općine, su:

- 1) Procjena ugroženosti Općine od prirodnih i drugih nesreća;
- 2) Program razvoja zaštite i spašavanja od prirodnih i drugih nesreća Općine;
- 3) Plan zaštite i spašavanja od prirodnih i drugih nesreća Općine.

Član 70.

Procjena ugroženosti Općine od prirodnih i drugih nesreća (u daljem tekstu: Procjena ugroženosti), predstavlja dokument u kojem se vrši procjenjivanje mogućnosti nastanka prirodnih i drugih nesreća na području Općine i posljedica koje mogu izazvati, a služi za izradu druga dva planska dokumenta iz člana 69. ove Odluke.

Služba CZ-e Općine je osnovni nosilac izrade Procjene ugroženosti, na način što; pokreće aktivnosti na izradi Procjene ugroženosti, vodi te aktivnosti i obezbjeđuje izradu Procjene ugroženosti.

U izradi Procjene ugroženosti, obavezno, učestvuju sve Općinske službe za upravu i drugi organi Općinske uprave, ovisno od oblasti koje su u njihovoj nadležnosti.

Procjena ugroženosti sastoji se od općeg i posebnog dijela i zaključaka, a može imati i odgovarajuće priloge.

Općinski načelnik donosi Procjenu ugroženosti područja Općine.

Član 71.

Općinskim programom razvoja zaštite i spašavanja od prirodnih i drugih nesreća određuju se politika i strategija zaštite i spašavanja ljudi i materijalnih dobara od prirodnih i drugih nesreća, u kojima se definišu konkretni programi, projekti i inicijative usaglašene sa utvrđenom politikom i strateškim pravcima razvoja zaštite i spašavanja.

Općinski program iz stava 1. ovog člana, mora biti usuglašen sa Kantonalnim programom razvoja zaštite i spašavanja, na način da Općina utvrdi; organizaciju, odredi mjere, aktivnosti i snage i sredstva potrebna za realizaciju zadataka koji su za Općinu utvrđeni Kantonalnim programom razvoja.

Sve Općinske službe za upravu i drugi Općinski organi uprave učestvuju u izradi Općinskog programa iz stava 1. ovog člana, svaka u oblasti za koju je osnovana, koordinaciju izrade vrši Služba CZ-e Općine.

Na prijedlog Općinskog načelnika, Općinsko vijeće donosi Općinski program razvoja zaštite i spašavanja od prirodnih i drugih nesreća, za period od najmanje pet godina.

Član 72.

Zadaci utvrđeni u Općinskom programu razvoja razrađuju se u Općinskom planu zaštite i spašavanja ljudi i materijalnih dobara od prirodnih i drugih nesreća, koji se izrađuje u skladu sa Uredbom o sadržaju i načinu izrade planova zaštite i spašavanja od prirodnih i drugih nesreća ("Službene novine Federacije Bosne i Hercegovine", broj: 23/04 i 38/06).

Planiranje zaštite i spašavanja mora se zasnivati na Procjeni ugroženosti Općine i drugim stručnim podlogama, kojim se mora osigurati organizirano i usklađeno djelovanje na sprječavanju nesreća, odnosno smanjenje njihovih posljedica i što brže osiguranje osnovnih uslova za život, u slučaju prirodne ili druge nesreće.

Općinski plan iz stava 1. ovog člana, izrađuje Služba CZ-e Općine, u saradnji s Općinskim službama za upravu i drugim Općinskim organima za upravu, a donosi ga Općinski načelnik.

Općinski plan iz stava 1. ovog člana, mora biti usaglašen sa Kantonalnim planom zaštite i spašavanja ljudi i materijalnih dobara od prirodnih i drugih nesreća. To usklađivanje podrazumijeva obavezu Općine da u svom Planu zaštite i spašavanja utvrdi organizaciju, odredi mjere i aktivnosti i snage i sredstva potrebna za realizaciju zadataka koji su za Općinu utvrđeni u Kantonalnom planu zaštite i spašavanja.

Realizaciju mjera zaštite i spašavanja i drugih zadataka utvrđenih u Općinskom planu iz stava 1. ovog člana, vrše sve Općinske službe i drugi Općinski organi za upravu, svaka u oblasti za koju su osnovane, a koordinaciju aktivnosti na vršenju tih zadataka ostvaruje Služba CZ-e Općine.

VI – OBUČAVANJE I OSPOSOBLJAVANJE**Član 73.**

Radi sticanja stručnih znanja i vještina za zaštitu i spašavanje građani su dužni obučavati se i osposobljavati za vršenje svih poslova i zadataka koji, naročito, čine ličnu i uzajamnu zaštitu; obuku građana, mjere i postupci preventivne zaštite, prva pomoć i samopomoć, zbrinjavanje djece i nemoćnih lica i druge hitne intervencije u zaštiti i spašavanju ljudi i materijalnih dobara.

Obučavanje građana za ličnu i uzajamnu zaštitu vrši se na način usmene obrade pojedinih tematskih cjelina, a određena pitanja mogu biti objašnjena i putem praktične vježbe. U zavisnosti od teme, obuka se može vršiti i putem sredstava masovnog informisanja (radio i TV) ili na drugi pogodan način.

Vrste tema i način njihove obrade utvrđuju se u planovima i programima obuke građana, koje donosi direktor Federalne uprave CZ-e.

Član 74.

Pripadnici štabova, službi zaštite i spašavanja, jedinica i povjerenici CZ-e dužni su obučavati se i osposobljavati za izvršavanje svojih zadataka u CZ-i, koji se nalaze u nadležnosti tih struktura.

Pored obaveze iz stava 1. ovog člana, komandanti, načelnici i članovi štabova i komandiri jedinica CZ-e, rukovodioci službi zaštite i spašavanja i rukovaoci specijalnim materijalno-tehničkim sredstvima, dužni su obučavati se na specijalističkim kursovima; za rukovođenje i komandovanje u CZ-i i korištenje određenih specijalnih materijalno-tehničkih sredstava.

Obučavanje i osposobljavanje iz stava 1. i 2. ovog člana, vrši se po nastavnim planovima i programima, koje donosi direktor Federalne uprave CZ-e.

Član 75.

Služba CZ-e Općine organizira i provodi obuku i osposobljavanje svih struktura civilne zaštite, koje formira Općina, i obuku građana za ličnu i uzajamnu zaštitu.

VII – FINANSIRANJE ZAŠTITE I SPAŠAVANJA

Član 76.

Zaštita od prirodnih i drugih nesreća finansira se iz:

- 1) Budžeta Općine;
- 2) sredstava pravnih lica;
- 3) drugih izvora utvrđenih Zakonom o zaštiti i spašavanju i drugim zakonima.

Član 77.

Budžetom Općine finansira se:

- 1) opremanje, obučavanje i rad Službe CZ-e Općine;
- 2) pripremanje, opremanje i obuka OpšČZ-e, službi zaštite i spašavanja i jedinica CZ-e koje organizira Općina i povjerenika CZ-e Općine, kao i troškovi koji nastanu tokom njihova učešća u provođenju mjera zaštite i spašavanja po naređenju OpšČZ-e;
- 3) opremanje pravnih lica, u dijelu, kada postavljeni zadaci tim licima nadilaze njihove materijalne mogućnosti;
- 4) prilagođavanje i održavanje drugih zaštitnih objekata potrebama sklanjanja ljudi i materijalnih dobara;
- 5) nabavka i održavanje sistema za uzbuđivanje stanovništva;
- 6) saniranje dijela šteta nastalih prirodnom i drugom nesrećom, u skladu sa svojim materijalnim mogućnostima;
- 7) druge potrebe zaštite i spašavanja u skladu sa Zakonom, ovom Odlukom i drugim propisima.

Član 78.

Prikupljena sredstava iz člana 180. Zakona, mogu se koristiti, izuzetno, kao interventna mjera, za finansiranje preventivnih mjera zaštite i spašavanja, pod uslovom da je dio sredstava za te namjene obezbjeđen u Budžetu Općine i ako su preventivne mjere utvrđene u Programu razvoja i Planu zaštite i spašavanja Općine, s tim da ta sredstva ne mogu biti

veća od 20% sredstava koja se prikupe u toku budžetske godine.

Općinski načelnik, u skladu sa Odlukom o uslovima i načinu korištenja sredstava ostvarenih po osnovu posebnog poreza za zaštitu od prirodnih i drugih nesreća ("Službene novine Federacija Bosne i Hercegovine", broj: 46/05), na prijedlog Službe CZ-e Općine, odlučuje o korištenju sredstava iz stava 1. ovog člana.

VII – PRELAZNE I ZAVRŠNE ODREDBE

Član 79.

Ovlašćuje se Općinski načelnik da, svojim posebnim Odlukama, precizira i reguliše pitanja koja ovom Odlukom nisu obuhvaćena i pitanja iz ove oblasti koja nisu u potpunosti ovom Odlukom obuhvaćena.

Član 80.

Nadzor nad provođenjem odredaba ove Odluke vršit će Federalni i Kantonalni inspektor CZ-e i Služba CZ-e Općine.

Član 81.

Danom stupanja na snagu ove Odluke prestaje da važi:

1. Odluka o određivanju mjera Civilne zaštite i spašavanja na području Općine Velika Kladuša ("Službeni glasnik Općine Velika Kladuša", broj: 6/98);

2. Rješenje o obrazovanju i formaciji jedinica opće namjene na području Općine Velika Kladuša, koje je donio Općinski načelnik broj: 02-44-38/99 od 30.03.1999. godine.

3. Uredba o osnivanju Općinskog štaba Civilne zaštite Općine Velika Kladuša, koju je donio Općinski načelnik broj: 08-44-324/05 od 12.12.2005. godine

4. Sve ranije Odluke i Rješenja koji regulišu oblast koja je regulisana ovom Odlukom.

Član 82.

Ova Odluka stupa na snagu osmog dana od dana objavljivanja u "Službenom glasniku Općine Velika Kladuša".

OPĆINA VELIKA KLADUŠA
OPĆINSKO VIJEĆE

PREDSJEDAVALJUĆI
OPĆINSKOG VIJEĆA
Sejfo Mustafić, s.r.

Broj: 01-05-62/2008
Velika Kladuša, 27.03.2008. godine

Na osnovu člana 35. i 131. stav 2. Statuta Općine Velika Kladuša («Službeni glasnik Općine Velika Kladuša», broj: 9/07) i člana 88. i 89. Poslovnika Općinskog vijeća Općine Velika Kladuša («Službeni glasnik Općine Velika Kladuša», broj: 9/07), a u skladu sa odredbama člana 16. Statuta Javnog komunalnog uslužnog preduzeća «Komunalije» d.o.o. Velika Kladuša («Službeni glasnik Općine Velika Kladuša», broj: 12/05, 6/06, 10/06 i 2/07), Općinsko vijeće Općine Velika Kladuša, vršeći ovlaštenja Skupštine Javnog komunalnog uslužnog preduzeća «Komunalije» d.o.o. Velika Kladuša na XXXVII sjednici, održanoj 27.03. 2008. godine, donijelo je

O D L U K U

**o usvajanju Izvještaja o reviziji finansijskih izvještaja
JKUP «Komunalije» d.o.o. Velika Kladuša za
poslovnu 2007. godinu**

Član 1.

Ovom Odlukom usvaja se Izvještaj o reviziji finansijskih izvještaja JKUP «Komunalije» d.o.o. Velika Kladuša za poslovnu 2007. godinu izvršen od strane ovlaštene revizorske kuće «Revita» d.o.o. iz Cazina, koji obuhvata reviziju finansijskih izvještaja, Bilans stanja na dan 31.12.2007. godine, Bilans uspjeha za period 01.01. – 31.12.2007. godine, Bilans toka gotovine za 2007. godinu završen 31. decembra i promjene u kapitalu.

Član 2.

Ova odluka stupa na snagu danom donošenja i ima se objaviti u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj: 01-05-63/2008
Velika Kladuša, 27.03.2008.godine

U skladu sa odredbama člana 6. Zakona o javnim preduzećima u Federaciji Bosne i Hercegovine («Službene novine Federacije Bosne i Hercegovine», broj: 8/05), člana 246. stav 1. tačka 5. Zakona o privrednim društvima («Službene novine Federacije Bosne i Hercegovine», Broj: 23/99, 45/00, 2/02, 29/03 i 68/05), člana 28. Zakona o porezu na dobit privrednih društava («Službene novine Federacije Bosne i Hercegovine», broj: 3/98 i 40/01) i člana 16. stav 1. tačka 8. Statuta javnog komunalnog uslužnog preduzeća «Komunalije» d.o.o. Velika Kladuša («Službeni glasnik Općine Velika Kladuša», broj: 12/05, 6/06, 10/06 i 2/07), a na osnovu člana 35. Statuta Općine Velika Kladuša («Službeni glasnik Općine Velika Kladuša», broj: 9/07), Općinsko vijeće Općine Velika Kladuša, vršeći ovlaštenja Skupštine Javnog komunalnog uslužnog preduzeća «Komunalije» d.o.o. Velika Kladuša na XXXVII sjednici, održanoj 27.03.2008. godine, donijelo je

O D L U K U

**o raspodjeli dobiti ostvarene po obračunu
za 2007. godinu**

Član 1.

Ostvarena dobit JKUP «Komunalije» d.o.o. Velika Kladuša po godišnjem obračunu za 2007. godinu u iznosu od 135.288,00 KM, raspoređuje se kako slijedi:

1. dobit za pokriće gubitaka iz ranijih godina
- 135.288,00 KM
 2. dio dobiti za uplatu poreza na dobit
- KM
 3. dio dobiti za kapital za reinvestiranje
- KM
- dio dobiti za reinvestiranje u vlastitu

- | | |
|---|----|
| proizvodnu djelatnost | KM |
| -dio dobiti za reinvestiranje u ostale djelatnosti | KM |
| -dio dobiti za reinvestiranje u stanogradnju | KM |
| 4. dio dobiti za isplatu vlasnika (dioničara) dividenda | KM |
| 5. dio dobiti neraspoređen | KM |

Član 2.

Obavezuje se računovodstvo Javnog komunalnog uslužnog preduzeća «Komunalije» d.o.o. Velika Kladuša, da u skladu sa ovom Odlukom izvrši knjiženje dobiti preduzeća.

Član 3.

Primjerak ove Odluke dostavit će se nadležnoj Ispostavi Porezne uprave uz porezni bilans u svrhe dokazivanja namjene reinvestiranja dobiti i oslobođanja poreza na dobit po tom osnovu.

Član 4.

Za izvršenje ove Odluke zadužuje se uprava JKUP «Komunalije» d.o.o. Velika Kladuša.

Član 5.

Ova Odluka stupa na snagu danom objavljivanja u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj: 01-05-64/2008
Velika Kladuša, 27.03.2008.godine

Na osnovu člana 35. stav 1. tačka 4. i člana 131. stav 3. Statuta Općine Velika Kladuša («Službeni glasnik Općine Velika Kladuša», broj: 9/07), člana 88. stav 1. i člana 96. stav 1. tačka 1. Poslovnika Općinskog vijeća Općine Velika Kladuša («Službeni glasnik Općine Velika Kladuša», broj: 9/07), razmatrajući Izvještaj o radu Općinskog vijeća i njegovih radnih tijela za period januar – decembar 2007. godine, Općinsko vijeće Općine Velika Kladuša na XXXVII sjednici, održanoj 27.03. 2008. godine, donijelo je

Z A K L J U Č A K**I**

USVAJA SE Izvještaj o radu Općinskog vijeća i njegovih radnih tijela za period januar – decembar 2007. godine, bez primjedbi.

II

Ovaj Zaključak stupa na snagu nakon objavljivanja u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj: 01-05-65/2008
Velika Kladuša, 27.03.2008.godine

Na osnovu člana 35. i člana 131. stav 3. Statuta Općine Velika Kladuša («Službeni glasnik Općine Velika Kladuša», broj: 9/07), člana 88. stav 1. i člana 96. stav 1. tačka 1. Poslovnika Općinskog vijeća Općine Velika Kladuša («Službeni glasnik Općine Velika Kladuša», broj: 9/07), a u skladu sa odredbama člana 16. Statuta Javnog komunalnog uslužnog preduzeća «Komunalije» d.o.o. Velika Kladuša («Službeni glasnik Općine Velika Kladuša», broj: 12/05, 6/06, 10/06 i 2/07), Općinsko vijeće Općine Velika Kladuša, vršeći ovlaštenja Skupštine Javnog komunalnog uslužnog preduzeća «Komunalije» d.o.o. Velika Kladuša na XXXVII sjednici, održanoj 27.03.2008. godine, donijelo je

ZAKLJUČAK

I

1. USVAJA SE Izvještaj o radu Javnog komunalnog uslužnog preduzeća «Komunalije» d.o.o. Velika Kladuša za period 01.01.2007. do 31.12.2007. godine.

2. Obavezuje se menadžment Javnog komunalnog uslužnog preduzeća «Komunalije» d.o.o. Velika Kladuša da u narednom poslovnom periodu značajnije materijalno i finansijski jača segment osnovne djelatnosti preduzeća.

3. Nalaže se menadžmentu JKUP «Komunalije» d.o.o. Velika Kladuša da izuči mogućnost drugačijeg pristupa organizaciji funkcije strvoderske (šinterske) službe u okviru preduzeća.

II

Ovaj Zaključak stupa na snagu nakon objavljivanja u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVALAČI
OPĆINSKOG VIJEĆA
Sejfo Mustafić,s.r.

Broj: 01-05-66/2008
Velika Kladuša, 27.03.2008.godine

Na osnovu člana 35. i člana 131. stav 3. Statuta Općine Velika Kladuša («Službeni glasnik Općine Velika Kladuša», broj: 9/07), člana 88. stav 1. i člana 96. stav 1. tačka 1. Poslovnika Općinskog vijeća Općine Velika Kladuša («Službeni glasnik Općine Velika Kladuša», broj: 9/07), a u skladu sa odredbama člana 16. Statuta Javnog komunalnog uslužnog preduzeća «Komunalije» d.o.o. Velika Kladuša («Službeni glasnik Općine Velika Kladuša», broj: 12/05, 6/06, 10/06 i 2/07), Općinsko vijeće Općine Velika Kladuša, vršeći ovlaštenja Skupštine Javnog komunalnog uslužnog preduzeća «Komunalije» d.o.o. Velika Kladuša na XXXVII sjednici, održanoj 27.03.2008. godine, donijelo je

ZAKLJUČAK

I

USVAJA SE Plan rada Javnog komunalnog uslužnog preduzeća «Komunalije» d.o.o. Velika Kladuša za 2008. godinu.

II

Ovaj Zaključak stupa na snagu nakon objavljivanja u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVALAČI
OPĆINSKOG VIJEĆA
Sejfo Mustafić,s.r.

Broj: 01-05-67/2008
Velika Kladuša, 27.03.2008.godine

Na osnovu člana 35. i člana 131. stav 3. Statuta Općine Velika Kladuša («Službeni glasnik Općine Velika Kladuša», broj: 9/07), člana 88. stav 1. i člana 96. stav 1. tačka 1. Poslovnika Općinskog vijeća Općine Velika Kladuša («Službeni glasnik Općine Velika Kladuša», broj: 9/07), a nakon provedene rasprave o Izvještaju o radu i finansijskom poslovanju Javne ustanove Centar za kulturu i obrazovanje «Zuhdija Žalić» Velika Kladuša u 2007. godini, Općinsko vijeće Općine Velika Kladuša na XXXVII sjednici, održanoj 27.03.2008. godine, donijelo je

ZAKLJUČAK

I

USVAJA SE Izvještaja o radu i finansijskom poslovanju Javne ustanove Centar za kulturu i obrazovanje «Zuhdija Žalić» Velika Kladuša u 2007. godini, bez primjedbi.

II

Ovaj Zaključak stupa na snagu nakon objavljivanja u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVALAČI
OPĆINSKOG VIJEĆA
Sejfo Mustafić,s.r.

Broj: 01-05-68/2008
Velika Kladuša, 27.03.2008.godine

Na osnovu člana 35. i člana 131. stav 3. Statuta Općine Velika Kladuša («Službeni glasnik Općine Velika Kladuša», broj: 9/07), člana 88. stav 1. i člana 96. stav 1. tačka 1. Poslovnika Općinskog vijeća Općine Velika Kladuša («Službeni glasnik Općine Velika Kladuša», broj: 9/07), a nakon provedene rasprave o Programu rada i finansijskog poslovanja Javne ustanove Centar za kulturu i obrazovanje «Zuhdija Žalić» Velika Kladuša u 2008. godini, Općinsko vijeće Općine Velika Kladuša na XXXVII sjednici, održanoj 27.03.2008. godine, donijelo je

ZAKLJUČAK**I**

DAJE SE SAGLASNOST na Program rada i financijskog poslovanja Javne ustanove Centar za kulturu i obrazovanje «Zuhdija Žalić» Velika Kladuša u 2008. godini.

II

Ovaj Zaključak stupa na snagu nakon objavljivanja u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj: 01-05-69/2008
Velika Kladuša, 27.03.2008.godine

Na osnovu člana 35. i člana 131. stav 3. Statuta Općine Velika Kladuša («Službeni glasnik Općine Velika Kladuša», broj: 9/07), člana 88. stav 1. i člana 96. stav 1. tačka 1. Poslovnika Općinskog vijeća Općine Velika Kladuša («Službeni glasnik Općine Velika Kladuša», broj: 9/07), a nakon provedene rasprave o Izvještaju o radu i financijskom poslovanju Javne ustanove Centar za socijalni rad Velika Kladuša za 2007. godinu, Općinsko vijeće Općine Velika Kladuša na XXXVII sjednici, održanoj 27.03.2008. godine, donijelo je

ZAKLJUČAK**I**

1. USVAJA SE Izvještaj o radu i financijskom poslovanju Javne ustanove Centar za socijalni rad Velika Kladuša za 2007. godinu.

2. Općinsko vijeće izražava najoštrije negodovanje zbog sporosti vršenja postupka revizije prvostepenih rješenja kojima se osobama sa područja Općine Velika Kladuša priznaju određena prava po osnovu statusa civilne žrtve rata te traži odgovorniji i profesionalniji odnos nadležnih kantonalnih organa koji učestvuju u postupku revizije.

3. Općinsko vijeće Općine Velika Kladuša insistira na hitnom uspostavljanju funkcije Instituta za ocjenu radne sposobnosti u smislu stvaranja potrebnih uslova za obavljanje procjene invalidnosti osoba koje su u postupku obrade priznavanja prava po osnovu statusa civilne žrtve rata kod Javne ustanove Centar za socijalni rad Velika Kladuša.

II

Ovaj Zaključak stupa na snagu nakon objavljivanja u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj: 01-05-70/2008
Velika Kladuša, 27.03.2008.godine

Na osnovu člana 35. i člana 131. stav 3. Statuta Općine Velika Kladuša («Službeni glasnik Općine Velika Kladuša», broj: 9/07), člana 88. stav 1. i člana 96. stav 1. tačka 1. Poslovnika Općinskog vijeća Općine Velika Kladuša («Službeni glasnik Općine Velika Kladuša», broj: 9/07), a nakon provedene rasprave o Programu rada i financijskog poslovanja Javne ustanove Centar za socijalni rad Velika Kladuša za 2008. godinu, Općinsko vijeće Općine Velika Kladuša na XXXVII sjednici, održanoj 27.03.2008. godine, donijelo je

ZAKLJUČAK**I**

DAJE SE SAGLASNOST na Program rada i financijskog poslovanja Javne ustanove Centar za socijalni rad Velika Kladuša za 2008. godinu.

II

Ovaj Zaključak stupa na snagu nakon objavljivanja u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj: 01-05-71/2008
Velika Kladuša, 27.03.2008.godine

Na osnovu člana 13. Odluke o izvršenju budžeta Općine Velika Kladuša («Službeni glasnik Općine Velika Kladuša», 9/07), a u skladu sa članom 49. Statuta Općine Velika Kladuša («Službeni glasnik Općine Velika Kladuša», broj: 9/07), Općinski načelnik, donio je:

ZAKLJUČAK**I**

Odobravaju se sredstva iz granta za komunalnu infrastrukturu za 2008. godinu u iznosu od 12.869,00 KM (Slovima: dvanaesthiljadaosamstotina šezdesetdevet KM i 00/100) za izvedene radove na asfaltiranje lokalnog puta: Jašarevići – D. Klanac – Johova kosa po 2. privremenoj situaciji: 29.02.2008 i Ugovoru, broj: 241-03/07 izvršiocu radova JKUP «Komunalije» d.o.o. Velika Kladuša.

II

Ovaj Zaključak stupa na snagu danom donošenja, a ima se objaviti u «Službenom glasniku Općine Velika Kladuša».

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulatić, s.r.

Broj: 02-14-258-1/08.
Velika Kladuša, 03.03.2008. godine

Na osnovu člana 13. Odluke o izvršenju budžeta Općine Velika Kladuša («Službeni glasnik Općine Velika Kladuša», 9/07), a u skladu sa članom 49. Statuta Općine Velika Kladuša («Službeni glasnik Općine Velika Kladuša», broj: 9/07), Općinski načelnik, donio je:

ZAKLJUČAK

I

Odobravaju se sredstva iz granta za komunalnu infracstrukturu za 2008. godinu u iznosu od 10.040,00 KM (Slovima: desethiljadačetdeset KM i 00/100) za izvedene radove na lokalnom putu: Veinac – Zulići, po I privremenoj situaciji: 29.02.2008 i Ugovoru, broj: 263-03/07 izvršiocu radova JKUP «Komunalije» d.o.o. Velika Kladuša.

II

Ovaj Zaključak stupa na snagu danom donošenja, a ima se objaviti u «Službenom glasniku Općine Velika Kladuša».

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulatić,s.r.

Broj: 02-14-257-1/08.
Velika Kladuša, 03.03.2008. godine

Na osnovu člana 13. Odluke o izvršenju budžeta Općine Velika Kladuša («Službeni glasnik Općine Velika Kladuša», 9/07), a u skladu sa članom 49. Statuta Općine Velika Kladuša («Službeni glasnik Općine Velika Kladuša», broj: 9/07), Općinski načelnik, donio je:

ZAKLJUČAK

I

Odobravaju se sredstva iz granta za komunalnu infracstrukturu za 2008. godinu u iznosu od 2.915,00 KM (Slovima:dvijehziljadevetstotinašest KM i 00/100) za izvedene usluge krečenja zgrade «Joše» Velika Kladuša, po Rn: 15 od 03.03.2008. godine od strane izvršioca radova «FORMA» d.o.o. Velika Kladuša.

II

Ovaj Zaključak stupa na snagu danom donošenja, a ima se objaviti u «Službenom glasniku Općine Velika Kladuša».

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulatić,s.r.

Broj: 02-14-263-1/08.
Velika Kladuša, 04.03.2008. godine

Na osnovu člana 34. Zakona o budžetima Federacije Bosne i Hercegovine (Službene novine F BiH), broj: 19/06), člana 3. Odluke o budžetu Općine Velika Kladuša («Službeni glasnik Općine Velika Kladuša», broj: 9/07), a u skladu sa članom 49. Statuta Općine Velika Kladuša – prečišćeni tekst («Službeni

glasnik Općine Velika Kladuša», broj: 9/07), Općinski načelnik, donio je

ZAKLJUČAK

I

Odobravaju se sredstva iz budžetske rezerva za 2008. godinu u iznosu od 2.706,21 KM (Slovima: dvijehiljadesedamstotinašest KM i 21/100), kao učešće Općine Velika Kladuša za kupovinu aluminiskih stijena za potrebe Dječijeg vrtića Velika Kladuša po Rn: 62/2008 od dobavljača «MIRAL-PVC» d.o.o. iz Velike Kladuše.

II

Ovaj Zaključak stupa na snagu danom donošenja, a ima se objaviti u «Službenom glasniku Općine Velika Kladuša».

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulatić,s.r.

Broj: 02-14-262-1/08.
Velika Kladuša, 04.03.2008. godine

Na osnovu člana 34. Zakona o budžetima Federacije Bosne i Hercegovine (Službene novine F BiH), broj: 19/06), člana 3. Odluke o budžetu Općine Velika Kladuša («Službeni glasnik Općine Velika Kladuša», broj: 9/07), a u skladu sa članom 49. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/07), Općinski načelnik donio je

ZAKLJUČAK

I

Odobravaju se sredstva iz budžetske rezerva za 2008. godinu u iznosu od 600,00 KM (Slovima: šeststotina KM i 00/100), kao učešće Općine Velika Kladuša za plaćanje usluga čišćenja stanova u zgradi «Joše» po Rn: 05/08 izvođaču usluga «INDIRATRADE» iz Velike Kladuše.

II

Ovaj Zaključak stupa na snagu danom donošenja, a ima se objaviti u «Službenom glasniku Općine Velika Kladuša».

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulatić,s.r.

Broj: 02-14-274-1/08.
Velika Kladuša, 05.03.2008. godine

Na osnovu člana 34. Zakona o budžetima Federacije Bosne i Hercegovine (Službene novine F BiH), broj: 19/06), člana 3. Odluke o budžetu Općine Velika Kladuša («Službeni glasnik Općine Velika Kladuša», broj: 9/07), a u skladu sa članom 49. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/07), Općinski načelnik, donio je

ZAKLJUČAK**I**

Odobravaju se sredstva iz budžetske rezerva za 2008. godinu u iznosu od 100,97 KM (Slovima: stotinu KM i 97/100) nabavka i plaćanje paketa za smrtni slučaj brata od Jušić – Keserović Sabire, uposlenice Organa uprave Općine Velika Kladuša po Rn: 8/2008 isporučiocu paketa «KIIA-MERC» d.o.o. iz Velike Kladuše.

II

Ovaj Zaključak stupa na snagu danom donošenja, a ima se objaviti u «Službenom glasniku Općine Velika Kladuša».

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić, s.r.

Broj: 02-14-283-1/08.
Velika Kladuša, 10.03.2008. godine

Na osnovu člana 34. Zakona o budžetima Federacije Bosne i Hercegovine (Službene novine F BiH), broj: 19/06), člana 3. Odluke o budžetu Općine Velika Kladuša («Službeni glasnik Općine Velika Kladuša», broj: 9/07), a u skladu sa članom 49. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/07), Općinski načelnik, donio je

ZAKLJUČAK**I**

Odobravaju se sredstva iz budžetske rezerva za 2008. godinu u iznosu od 500,03 KM (Slovima: petstotina KM i 03/100), plaćanje i nabavka materijala, usluga izrade i montaže postolja za vijence ispred JU Centar za kulturu i obrazovanje «Zuhdija Žalić» Velika Kladuša, po Rn: 1001/08 od dobavljača «Mlijelo-Produkt» d.o.o. iz Velike Kladuše.

II

Ovaj Zaključak stupa na snagu danom donošenja, a ima se objaviti u «Službenom glasniku Općine Velika Kladuša».

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić, s.r.

Broj: 02-14-288-1/08.
Velika Kladuša, 11.03.2008. godine

Na osnovu člana 34. Zakona o budžetima Federacije Bosne i Hercegovine (Službene novine F BiH), broj: 19/06), člana 3. Odluke o budžetu Općine Velika Kladuša («Službeni glasnik Općine Velika Kladuša», broj: 9/07), a u skladu sa članom 49. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/07), Općinski načelnik, donio je

ZAKLJUČAK**I**

Odobravaju se sredstva iz budžetske rezerva za 2008. godinu u iznosu od 5.000,00 KM (Slovima: pethiljada KM i 00/100), za pokroviteljstvo Općine Velika Kladuša u realizaciji projekta «MISS USK ZA MISS BIH» «=(« po Ugovoru o pokroviteljstvu sklopljenom između organizatora Omladinske zadrugestudentskog servisa Bihać, zastupane po direktoru gospodinu Erminu Mahmutoviću i pokrovitelju Općini Velika Kladuša, zastupanoj po Općinskom načelniku gospodinu Admilu Mulaliću.

II

Ovaj Zaključak stupa na snagu danom donošenja, a ima se objaviti u «Službenom glasniku Općine Velika Kladuša».

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić, s.r.

Broj: 02-14-292-2/08.
Velika Kladuša, 14.03.2008. godine

Na osnovu člana 34. Zakona o budžetima Federacije Bosne i Hercegovine (Službene novine F BiH), broj: 19/06), člana 3. Odluke o budžetu Općine Velika Kladuša («Službeni glasnik Općine Velika Kladuša», broj: 9/07), a u skladu sa članom 49. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/07), Općinski načelnik, donio je

ZAKLJUČAK**I**

Odobravaju se sredstva iz budžetske rezerva za 2008. godinu u iznosu od 1.000,00 KM (Slovima: hiljadu KM i 00/100), kao učešće Općine Velika Kladuša u doškolovavanju djeteta na Višoj medicinskoj školi u Bihaću kao i participacije troškova liječenja istog u Sarajevu na ime Dizdarević Mehmeda iz Velike Kladuše Ul. Glinska bb.

II

Ovaj Zaključak stupa na snagu danom donošenja, a ima se objaviti u «Službenom glasniku Općine Velika Kladuša».

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić, s.r.

Broj: 02-02-654-1/08.
Velika Kladuša, 14.03.2008. godine

Na osnovu člana 13. Odluke o izvršenju budžeta Općine Velika Kladuša («Službeni glasnik Općine Velika Kladuša», 9/07), a u skladu sa članom 49. Statuta Općine Velika Kladuša («Službeni glasnik Općine Velika Kladuša», broj: 9/07), Općinski načelnik, donio je:

ZAKLJUČAK**I**

Odobravaju se sredstva iz granta za komunalnu infrastrukturu za 2008. godinu u iznosu od 20.364,50 KM (Slovima: dvadesethiljada tristotinešezdesetčetiri KM i 00/100) za plaćanje izvršenih radova na rekonstrukciji, moderizaciji i asfaltiranju lokalnog puta «Kudići-Krdilja» 50% po I Privremenoj situaciji, broj: 4-III/08 i 5-III/08, i Ugovoru, broj: 917-/07 i Aneksu I Ugovora 02-05-917/07 izvođaču radova «KR-PROMET» d.o.o. iz Velike Kladuše..

II

Ovaj Zaključak stupa na snagu danom donošenja, a ima se objaviti u «Službenom glasniku Općine Velika Kladuša».

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić,s.r.

Broj: 02-14-322-1/08.
Velika Kladuša, 26.03.2008. godine

Na osnovu člana 13. Odluke o izvršenju budžeta Općine Velika Kladuša («Službeni glasnik Općine Velika Kladuša», 9/07), a u skladu sa članom 49. Statuta Općine Velika Kladuša («Službeni glasnik Općine Velika Kladuša», broj: 9/07), Općinski načelnik, donio je:

ZAKLJUČAK**I**

Odobravaju se sredstva iz granta za komunalnu infrastrukturu za 2008. godinu u iznosu od 1.754,50KM(Slovima: hiljadusedamstotinapedesetčetiri KM i 00/100) za plaćanje izvršenih radova na rekonstrukciji, moderizaciji i asfaltiranju ulice «Junuza Duranovića-Juke» 50% po I Privremenoj situaciji, broj: 1-III/08 i 5-III/08, i Ugovoru, broj: 919-/07 izvođaču radova «KR-PROMET» d.o.o. iz Velike Kladuše..

II

Ovaj Zaključak stupa na snagu danom donošenja, a ima se objaviti u «Službenom glasniku Općine Velika Kladuša».

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić,s.r.

Broj: 02-14-323-1/08.
Velika Kladuša, 26.03.2008. godine

Na osnovu člana 13. Odluke o izvršenju budžeta Općine Velika Kladuša («Službeni glasnik Općine Velika Kladuša», 9/07), a u skladu sa članom 49. Statuta Općine Velika Kladuša («Službeni glasnik Općine Velika Kladuša», broj: 9/07), Općinski načelnik, donio je:

ZAKLJUČAK**I**

Odobravaju se sredstva iz granta za komunalnu infrastrukturu za 2008. godinu u iznosu od 7.297,50 KM (Slovima: sedamhiljadadvijestotine devedesetsedam KM i 00/100) za plaćanje izvršenih radova na rekonstrukciji, moderizaciji i asfaltiranju lokalnog puta «Donja Vidovska-Jašići-Gornja Vidovska» 50% po I Privremenoj situaciji, broj: 3-III/08 a po Ugovoru, broj: 915-/07 izvođaču radova «KR-PROMET» d.o.o. iz Velike Kladuše.

II

Ovaj Zaključak stupa na snagu danom donošenja, a ima se objaviti u «Službenom glasniku Općine Velika Kladuša».

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić,s.r.

Broj: 02-14-324-1/08.
Velika Kladuša, 26.03.2008. godine

Na osnovu člana 13. Odluke o izvršenju budžeta Općine Velika Kladuša («Službeni glasnik Općine Velika Kladuša», 9/07), a u skladu sa članom 49. Statuta Općine Velika Kladuša («Službeni glasnik Općine Velika Kladuša», broj: 9/07), Općinski načelnik, donio je:

ZAKLJUČAK**I**

Odobravaju se sredstva iz granta za komunalnu infrastrukturu za 2008. godinu u iznosu od 2.218,00 KM (Slovima: dvijehiljadedvjestoosamnaest KM i 00/100) za plaćanje izvršenih radova na rekonstrukciji, moderizaciji i asfaltiranju ulice «Križ-Pajzetovići» 50% po I Privremenoj situaciji, broj: 2-III/08 po Ugovoru broj: 918-/07 i Aneksu I Ugovora 02-05-917/07 izvođaču radova «KR-PROMET» d.o.o. iz Velike Kladuše..

II

Ovaj Zaključak stupa na snagu danom donošenja, a ima se objaviti u «Službenom glasniku Općine Velika Kladuša».

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić,s.r.

Broj: 02-14-325-1/08.
Velika Kladuša, 26.03.2008. godine

Na osnovu člana 32. stav 1. Odluke o regulaciji saobraćaja u gradskom području i naseljenim mjestima Općine Velika Kladuša („Službeni glasnik Općine Velika Kladuša” broj: 13/05) i člana 49. Statuta Općine Velika Kladuša „Službeni glasnik Općine Velika Kladuša” broj: 9/07) , na prijedlog Službe prostornog uređenja, stambenih i komunalnih

djelatnosti, Općinski načelnik Općine Velika Kladuša,
dana 20.02.2008. godine, donio je

ZAKLJUČAK
o privremenom režimu odvijanja saobraćaja u gradu i
naseljenim mjestima
gradskog područja Općine Velika Kladuša

I

Ovim Zaključkom uređuje se privremeni režim saobraćaja u gradu Velika Kladuša, vršenje aktivnog saobraćaja i saobraćaja u mirovanju u povodom 23. februara – Dana Općine Velika Kladuša, na način privremene regulacije i preusmjerenja odvijanja saobraćaja u ulici Huske Miljkovića, kao i druga pitanja u vezi sa privremenim režimom saobraćaj.

II

U skladu sa privremenim režimom saobraćaja iz tačke I. ovog Zaključka, zabranjuje se odvijanje saobraćaja m/v ulicom Huske Miljkovića, od ul. Hamdije Pozderca do ul. Suljemana Topića i određuje namjena za parkiranja m/v gostiju i uzvanika povodom 23. februara – Dana Općine Velika Kladuša.

Zabrana iz prethodnog stava ne odnosi se na vozila: MUP-a, vatrogasne službe, hitne pomoći, Organa Općinske uprave i vozila gostiju i uzvanika.

III

Privremeni režima odvijanja saobraćaja obilježice se propisnom saobraćajnom signalizacijom.

IV

Vršenje aktivnog saobraćaja i saobraćaja u mirovanju u skladu sa ovim Zaključkom privremenog je karaktera i primjenjivat će se dana 23.02.2008. godine tj. SUBOTA od 07,00 do 24,00 časova.

V

Nadzor nad sprovođenjem ovog Zaključka vrše organi iz člana 45. Odluke o regulaciji saobraćaja u gradskom području i naseljenim mjestima Općine Velika Kladuša.

VI

Ovaj Zaključak stupa na snagu danom donošenja a ima se objaviti u „Službenom glasniku Općine Velika Kladuša”

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulatić,s.r.

Broj: 02-27-229/08.
Velika Kladuša, 21.02.2008. godine

Na osnovu člana 49. Statuta Općine Velika Kladuša („Službeni glasnik Općine Velika Kladuša“, broj: 09/07), a rješavajući po zahtjevu Nadzornog odbora JP „RTV Velika Kladuša“ d.o.o. Velika Kladuša za davanje saglasnosti za imenovanje Mersada Sarajlije za direktora JP „RTV Velika Kladuša“ d.o.o. Velika Kladuša Općinski načelnik 03. 03. 2008. godine, donio je

ZAKLJUČAK
o davanju saglasnosti

I

Daje se saglasnost na Odluku Nadzornog odbora JP „RTV Velika Kladuša“ d.o.o. Velika Kladuša, broj: 01-02-84/08 od 27. 02. 2008. godine o imenovanju Mersada Sarajlije za direktora JP „RTV Velika Kladuša“ d.o.o. Velika Kladuša na mandat od četiri godine.

II

Ovaj zaključak stupa na snagu 21. marta 2008. godine, odnosno po razrješenju Huseina Murtića dužnosti direktora JP RTV Velika Kladuša, a objavit će se u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulatić,s.r.

Broj: 02-05-266-1/08.
Velika Kladuša, 04.03.2008. godine

Na osnovu člana 49. Statuta Općine Velika Kladuša („Službeni glasnik Općine Velika Kladuša“, broj: 09/07), a u skladu sa Statutom JP „Veterinarska stanica“ Velika Kladuša („Službeni glasnik Općine Velika Kladuša“, broj: 3/06) Općinski načelnik, donio je:

RJEŠENJE

o razrješenju člana Nadzornog odbora

I

Razrješava se Mersad Sarajlija dužnosti člana Nadzornog odbora JP „Veterinarska stanica“ d.o.o. Velika Kladuša.

II

Ovo rješenje stupa na snagu odmah, a objavit će se u „Službenom glasniku Općine Velika Kladuša“.

Obrazloženje

Mersad Sarajlija se razrješava dužnosti člana Nadzornog odbora JP „Veterinarska stanica“ d.o.o. Velika Kladuša po ličnom zahtjevu, a zbog preuzimanja dužnosti direktora JP „RTV Velika Kladuša“ d.o.o. Velika Kladuša.

Pouka o pravnom lijeku: Protiv ovog Rješenja može uputiti prigovor bilo koji član javnosti. Prigovor se podnosi odgovornom javnom službeniku-Općinskom načelniku, a kopija se dostavlja Ombudsmenu za ljudska prava Federacije Bosne i Hercegovine.

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulatić,s.r.

Broj: 02-05-303/08.
Velika Kladuša, 20.03.2008. godine

Na osnovu člana 49. Statuta Općine Velika Kladuša – prečišćeni tekst („ Službeni glasnik Općine Velika Kladuša “, broj : 09/07), Općinski Načelnik Općine Velika Kladuša, donio je

R J E Š E N J E

o imenovanju Komisiju za sprovođenje, ocjenjivanje i bodovanje projekata pristiglih na javni poziv za (su)finansiranje projekata iz domene poljoprivredne proizvodnje

I

Ovim Rješenjem imenuje se Komisiju za sprovođenje, ocjenjivanje i bodovanje projekata pristiglih na javni poziv za (su)finansiranje projekata iz domene poljoprivredne proizvodnje a na osnovu odobrenog granta za projekte iz poljoprivrede prema usvojenom budžetu Općine Velika Kladuša za 2008. godinu.

II

U Komisiju za sprovođenje, ocjenjivanje i bodovanje projekata pristiglih na javni poziv za (su)finansiranje projekata iz domene poljoprivredne proizvodnje imenuje se :

- 01. Beganović Mirvet - predsjednik,**
- 02. Nizandžić Ibrahim - član**
- 03. Dizdarević Fikret - član**

III

Zadatak Komisije iz tačke II je da zaprimi, izvrši bodovanje, ocjenjivanje i rangiranje pristiglih projekata na osnovu javnog poziva za (su)finansiranje razvojnih projekata iz domene poljoprivredne proizvodnje u skladu s kriterijima koje je usvojilo Općinsko vijeće.

IV

Po završetku rada Komisija će podnijeti izvještaj Načelniku Općine o provedenom ocjenjivanju, bodovanju i rangiranju pristiglih projekata .

V

Ovo Rješenje objaviti će se u «Službenom glasniku Općine Velika Kladuša»

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić,s.r.

Broj: 02-24-304 / 08.
Velika Kladuša, 20.03.2008. godine.
